

پهلوان محمود

رباعیات

ПАҲЛАВОН МАҲМУД

РУБОИЙЛАР

نشریات ادبیات وصنعت بنام غفور غلام
تاشکند ۱۹۷۹

ҒАФУР ҒУЛОМ НОМИДАГИ
АДАБИЁТ ВА САЊАТ НАШРИЕТИ
ТОШКЕНТ — 1979

Нашрга
тайёрловчи
ТУХТАСИН ЖАЛОЛОВ

Масъул муҳаррир Эркин Воҳидов
Форсийдан Т. Жалолов, М. Муинзода, А. Боқир, И. Улфат, Васфий
таржималари



ПАҲЛАВОН МАҲМУД

(Пурёйвалий)

I

Ўзбек шоирларининг адабий меросини излаб 1959 йил август ойида Хоразмга бордим. Мен кўпдан бери Хоразмни кўришга муштоқ ва хоразмликларнинг ўйноқ куйларига, нафис рақсларига мафтун эдим. Шу сафаримдан фойдаланиб, бу кўҳна маданият маркази ва санъат ўлкасини чуқурроқ ўрганишга тараддуд қилдим.

Хива — осори атиқа шаҳри. Хивада кўп тарихий ёдгорликлар бор. Йўловчи ҳали шаҳарга етмасдан беш-олти километрлик масофадан осмонпайванд миноралар, ложувард гумбазлар намоён бўлади. Булар ичида энг муҳташами «Ҳазрат Паҳлавон» мақбарасидир. Биз ана шу кўркем мақбарага кирдик. Мақбара гумбази атрофида форс-тожик тилида бадий баркамол фалсафий рубоийлар нақш қилиб, ўйиб ёзилган.

Айрим рубоийларда Маҳмуд Пурёйвалий номи зикр этилган. Демак, бу ерда дафн қилинган зот «авлиё» эмас, мутафаккир шоир.

Хоразм тарихи музейига бориб «Ҳазрат паҳлавон» рубоийларини суриштирдим. Музей илмий ходими наққош Абдулла Болтаев музейда Паҳлавон Маҳмуд ру-

П $\frac{70403 - 24}{352(06) - 79}$ 2 — 79

© Гафур Гулом номидаги Адабиёт ва санъат нашриёти, 1979 й.

бойларидан иборат бир китоб борлигини айтди. Мен дарҳол бу китобни олиб кўрдим. Бу—Муҳаммад Раҳим II (шоир Фируз) кўчирган нусха экан.

Урганчга қайтиб келдим. Бу ерда бир хонадонда рубойларнинг яна бир нусхаси борлигини эшитдим. Дўстим Юнус Юсупов икковлашиб шу хонадонга бордик. У ерда эски китоблар орасидан Паҳлавон Маҳмуд рубойларининг яна бир нусхасини топдик. Бу нусхани 1946 йилда Ҳасан Мурод қори кўчирган экан. Дарҳақиқат, рубойлар жуда юксак савияда.

Тошкентга келиб, Беруний номидаги Шарқшунослик институти қўлёзмаларини қидирдим. Бу фондда Паҳлавоннинг бир эмас, икки қўлёзмасини топдик. Худди шу кеча-кундузда бир аёл институтга бир китоб олиб келди. Бу—қўшиб муқова қилинган уч мустақил асар бўлиб, иккитаси авлиёлар ҳақидаги ривоятлар, учинчиси Паҳлавон Маҳмуднинг таржимаи ҳолига оид «Ҳазрат Паҳлавон ҳикоялари» номли қўлёзмадир.

Менинг Паҳлавон Маҳмуд адабий меросини қидириб юрганимни эшитиб, муҳтарам олимларимиздан профессор Яҳё Ғуломов бир қўлёзма тақдим этди, бунда Паҳлавон Маҳмудга нисбат берилган уч юз ўттиз тўрт рубой бор.

Мана шу ҳужжатлар билан танишгач, бу борадаги маълумотни чуқурлаштирмоқ ниятида тарих ва тазкираларни қидира бошладим. Чунки Паҳлавон Маҳмуддек забардаст шоир ҳақида тарих ва тазкираларда маълумот бўлмаслигига ақлим бовар қилмасди.

1299-ҳижрий (1881 йилда) Бомбайда нашр этилган «Оташкадан Озарий» номли машҳур Шарқ тазкирасида Паҳлавон Маҳмуд ҳақида қуйидагилар ёзилган:

«Исми Паҳлавон Маҳмуд, Пурёйвалий лақаби билан шуҳрат топган, унинг паҳлавонлиқ овозаси оламни тутган, ўз асрининг ягонаси бўлган. Шеърятда қудратли, «Қанзул Ҳақойиқ» номли маснавийси бор. Кейинги

вақтларда тасаввуф мавзуида ёзган рубойлари анча яхши чиққан»¹.

Машҳур турк олими Шамсиддин Сомибек ҳам «Қомусул аълом»нинг V ва VI жилдларида Паҳлавон Маҳмуд хусусида баъзи маълумотлар келтирган. «Қомусул аълом»нинг ҳар икки жилдида бир хил маълумот берилгани учун биз V жилддаги парчани кўчириш билан қаноатланамиз.

«Паҳлавон Маҳмуд Эроннинг машҳур шоирларидан бўлиб, Хоразмнинг Урганч қишлоғидандир. Ёшлигида ўз кучи ва паҳлавонлиги билан фахрланиб юрди. Кейинги пайтларда тасаввуф тариқатида кўп риёзат чекиб, жисмоний заифлашган эди. «Қанзул Ҳақойиқ» номли маснавийси бор»².

1327-ҳижрийда Истамбулда нашр этилган «Туркла-рин улум ва фунуна хизматлари» номли китобда ҳам (автори Муҳаммад Тоҳир бин Рифъат) Паҳлавон Маҳмуд ҳақида сўз боради, лекин бу автор бирор янги нарсаси қўшмай, Сомибекнинг «Қомусул аълом»даги фикрларини такрорлайди.

Шарқ адабиётини жуда яхши билган Садриддин Айний «Намунаи адабиёти тожик» китобида Паҳлавон Маҳмуднинг «Қомус» ва «Оташкада» тазкираларида келтирилган рубойларини кўчириб, «ўзи хоразмлик, лекин таржимаи ҳолини билмадик» дебди.³

Профессор Яҳё Ғуломовнинг «Памятники города Хивы» асари, ўз номидан кўриниб тургандек, тарихий ёдгорликларга бағишланган эса-да, Паҳлавон Маҳмуд мақбараси ҳақида сўз борганда, унда дафн этилган

¹«Оташкадан Озарий», 326-бет.

²Шамсиддин Сомибек. «Қомусулаълом», Жилд V, 3602-бет, Истамбул, 1896 йил.

³С. Айний. Намунаи адабиёти тожик, 117—118-бетлар. Москва, 1925 й.

шахснинг шоирлиги тўғрисида ҳам гапириб, мисол тариқасида бир-икки рубойсини келтирган.

1958 йилда Ўзбекистон Давлат бадий адабиёт нашриёти машҳур рус олимлари Г. А. Пугаченкова ва Л. И. Ремпелнинг «Выдающиеся памятники архитектуры Узбекистана» номли китобини нашр этди. Бу китоб ҳам ўз исмидан кўриниб турибдики Ўзбекистоннинг меъморлик санъати тарихига бағишланган. Шу китобнинг «Гумбаз Пахлавана Махмуда» сарлавҳали бобида Пахлавон Махмуд ҳақида баҳс этиб, унинг шоирлиги хусусида қуйидагилар айтилган: «...Он и поэт известный под именем Пирияри Вали, подражавший в своих стихах Омару Хайяму»¹.

Тарих ва тазкира китобларида ўтмиш ва ҳозирги замон олимларининг Пахлавон Махмуд ҳақида берган маълумотлари мана шулар, холос.

Бундан ташқари, Хива музейининг илмий ходими республика халқ рассоми, машҳур Хоразм наққоши Абдулла Болтаевнинг қўлёзма дафтарларида Хоразмнинг тарихий ёдгорликлари, жумладан, Махмуд Пурёйвалийнинг таржимаи ҳолига доир қимматли материаллар бор. Шунингдек, Хоразмда ёзилган қўлёзма бир манокибда (авлиёлар ҳақида китоб) Махмуд Пурёйвалийнинг ҳаёт йўли ҳақида диний ранг бериб ёзилган, лекин аслида шоир Махмуднинг порлоқ образини ифодалайдиган маълумотлар келтирилган. Ана шу манбаларга асосланиб, шоирнинг таржимаи ҳоли ҳақида қуйидаги мухтасар маълумотни ўқувчиларга арз этмоқ мумкин:

II

Шоирнинг отаси кўҳна урганчлик бўлиб, хотини ҳомилалик чоғда Хивага кўчиб келади. Бироқ, улар ҳали шаҳарга етмай, хотини тўлғоқ тутиб, шаҳар четигаги

¹Юқорида зикр қилинган китобнинг 170-бетига қаралсин.

бир уйда кўзи ёрийди. Бу ҳодиса 645-ҳижрий, милодий ҳисоби билан 1247-йилда эди¹. Болага Махмуд деб ном қўядилар. Махмуд жисмоний жиҳатдан жуда бақувват, пахлавон бўлиб етишади. У Хоразмнинг кўп шаҳарларига, ҳатто Ҳиндистонга бориб курашади, лекин ҳеч ерда енгилмайди, бутун умри елкаси ерга тегмай, мамлакатнинг биринчи пахлавони бўлиб қолади. Шундай қилиб, халқ Махмудга «Пахлавон» лақаби бериб, уни «Пахлавон Махмуд», «Пахлавон ота» деб юритадилар.

Бироқ, пахлавонлик Махмуднинг асосий касби эмас, унинг асли касби пўстиндўзлик, телпакдўзлик бўлган. Махмуд бу ҳунарда ҳам зўр маҳорат касб этган, унинг жуда кўп шогирд ва халфалари бўлган. Пахлавон ҳижрий 726-йилда, милодий ҳисоби билан 1326 йилда вафот этганда, унинг васиятига амал қилиб, шогирдлари Пахлавон Махмуднинг жасадини ўзининг пўстиндўзлик корхонаси доирасига дафн этганлар, мақбара ҳам ана шу қабр устида барпо этилган.

Манокибда ҳикоя қилинишича, Пахлавон Махмуд Ҳиндистонда экан чоғида ҳиндлар тарафини олиб урушга қатнашади. Ҳиндистон подшоҳи Рай Ропой Чўнани ўлимдан қутқазади. Мана шундан кейин Ҳиндистон подшоҳи мамнун бўлиб, Пахлавонга қараб: «Тила тилагингни» дейди. Пахлавон молу дунё, олтин, кумуш талаб қилмай, бир вақтлар Ҳиндистонга асир тушган хоразмликларни озод қилишни илтимос этади. Ҳиндистон подшоҳи Пахлавон Махмуднинг илтимосини бажо келти-

¹Виктор Виткович «Совет Ўзбекистонига саёҳат» номли асарида Пахлавон Махмудни XV аср кишиси, «Навоийнинг яқин дўсти» деб хато қилган. Пахлавон Махмуд 1326 йилда ўлган. Навоий эса, орадан 115 йил ўтгач, 1441 йилда туғилган. Демак, бу икки шахснинг ҳамаср ва «яқин дўст» бўлиши мумкин эмас.

Навоийнинг хоразмлик ҳамасри, дўсти Пахлавон Махмуд эмас Пахлавон Муҳаммаддир. Навоийнинг «Ҳолоти Пахлавон Муҳаммад» номли асари ҳам бор. (Т. Ж.)

риб, хоразмлик тутқунларни озод этади, йўл харажатларини бериб, Хоразмга қайтаради.

Маноқибда ҳикоя қилинишича, Паҳлавон Маҳмуд Хива яқинида Чингизхонга қарши урушда ҳалок бўлган паҳлавонлар қабри устида мақбара барпо этган ва бу мақбаранинг вайроналари ҳанузгача сақланади.

Юқорида қайд этилган маълумотлар Паҳлавон Маҳмуднинг ижтимоий қиёфасини равшан кўрсатиб туради. Хоразм асирларини озод қилмоқ, ватан учун курашда жон фидо қилганлар гўри устида мақбара барпо этмоқ—бу илғор одам, ватанпарвар сиймосини кўрсатади.

Соғлом танда—соғлом ақл, деган гап Паҳлавон Маҳмуд сиймосида тўла ифодасини топган. Паҳлавон Маҳмуднинг зако ва истеъдоди, тафаккур кучи унинг жисмоний қудратидан кам эмас. Ҳақиқий шоир ва мутафаккир учун ўз мушоадаларидан хулоса чиқармоқ, уни бирор шаклда баён этмоқ табиий зарурат бўлиб қолади. Шарқда кўп мутафаккирлар ўзларининг фалсафий фикрларини баён қилмоқ учун шеърятдан фойдаланганлар. Бу ҳақиқатни Хайём, Навоий, Бедил ва бизнинг мавзу баҳсимиз Паҳлавон Маҳмуд ижоди мисолида кўриш мумкин.

Маълумки, Хайём бутун адабий фаолияти давомида фақат рубоий жанрида асар ёзди ва рубоий жанрининг тематик доирасини белгилаб берди: ҳаёт ва коинотнинг моҳияти ҳақида фикр юритиш, хушчақчақ ҳаётнинг символи тарзида май ва маҳбубани куйлаш, шайх ва зоҳидларни масхаралаш, диний-идеалистик фалсафага қарши чиқиб материалистик фалсафий фикрларни дадиллик билан олға суриш—рубоий жанрининг асосий хислати бўлиб қолди.

Паҳлавон Маҳмуд шеърятда ҳам, фалсафада ҳам Хайёмнинг заковатли давомчисиدير. Форс адабиётида Хайёмдан сўнг фақат рубоий ёзган бошқа бир шоир йўқ. Бу ҳол туркий халқлар адабиётида ҳам кўринмай-

ди. Абдурахмон Жомий, Алишер Навоий, Фузулий, Бобир ва бошқа кўп шоирлар рубоийда ўз кучларини синаяб кўрган бўлсалар-да, бу жанр, уларнинг ижодида асосий ўрин тутмаган. Паҳлавон Маҳмуд эса, бутун умри форс-тожик тилида рубоий ёзган. Шундай қилиб, Паҳлавон Маҳмуд Хайёмнинг фалсафий ва бадиий ғояларини ривожлантирган, унга ўз асри руҳини берган. Бу—хайёмшуносликда ҳам, ўзбек ва тожик адабиёти тарихида ҳам муҳим янгиликдир.

Шуни ҳам қайд қилиш лозимки, Паҳлавон Маҳмуд Хайёмнинг оддий тақлидчиси эмас, аксинча, у ўзининг заковат ва истеъдоди, мушоҳада кучи жиҳатидан Хоразм Хайёмидир. Шарқ адабиётида теран мазмунли, нафис ва ўйноқи рубоийларни «хайёмона» деб аташ одат бўлиб кетган. Шу мантиқдан чиқиб баҳо берганда, Паҳлавон Маҳмуднинг санъаткорона рубоийлари ҳаммаси ҳам ҳайёмонадир. Бу рубоийлар ёнма-ён турганда, қайси бири Хайёмники-ю, қайси бири Паҳлавон Маҳмудники эканини фарқ қилиш қийин.

Хоразм руҳонийлари Паҳлавон Маҳмудни «авлиё» деб кўкка кўтарганлар. Маҳмуднинг таржиман ҳоли унинг ҳалол бир меҳнаткаш эканини кўрсатгандек, ажойиб рубоийлари ҳам Паҳлавонни «авлиё» эмас, илғор, равшан фикрли файласуф бир зот эканини очиқ ифода-лаб беради. Мана бу рубоийни ўқиб мазмунига ўзингиз зеҳн солинг: ахир, бу сўзларни айтишга журъат этган кимса қандай «авлиё» бўлсин?

Кел кўнгул, мен ахтарай жононани,
Кўча-кў-ю ҳар эшик, ҳар хонани.
Масту майхўрмиз мудом Хайёмсифат,
Дўзах этгаймиш қабул мастонани.

Бундай фикрларни айтишга журъат этган кимсалар-ни руҳонийлар «шаккок», «йўлдан озган» деб атардилар.

Таажжубки, Хоразмнинг бу эркин фикрли шаккок шоири «авлиё» даражасига кўтарилибди!

Маҳмуд Паҳлавоннинг бошқа бир рубойсини олиб кўрайлик. Бу рубой шоирнинг «авлиёлар» мазорини зиёрат қилиб, «авлиёлик» даъво қиладиган ҳожилар устидан чиқарган ҳукмидир:

Бу ҳожики аввал эди бир илон,
Ҳаждан келиб, аждар бўлди беомон,
Ҳарам-парам деса асло алданманг,
Уйнинг куйгур, ўзи асли беимон.

Маълумки, авлиёлар, зоҳидлар бу «фоний» дунёнинг лаззатларидан воз кечиб, риёзатга майл кўрсатадилар, «муқаддас» зиёратгоҳларни тавоф этиб, ўзларининг гуноҳларига—журму исёнларига мағфират тилаб, тарки дунё қиладилар, узлатга чекинадилар.

Паҳлавон Маҳмудда бундай майл кўринмайди, аксинча, у, даҳрий Хайёмдек ҳатто дўзахга мастона қадам қўймоқчи. Буми авлиёлик? Ҳожилар ҳаждан қайтгач, хонан Каъба зиёрати шарофатидан ўзларини салкам авлиё деб юрардилар, турли сафсаталар сотиб, халқни гумроҳ этардилар. Паҳлавон Маҳмуд эса, бу мазорфурш ҳожилардан қаттиқ нафрат қилади, ҳожининг: «ҳарам-парам деган гапларига алданманг», деб халқни огоҳлантиради. Буми авлиёлик?

Бу ерда табиий бир савол туғилади: нега руҳонийлар Маҳмуд Паҳлавонни «авлиёлар» сафига қўшиб қўйдилар? Бу шунчаки, бир гумроҳлик, нодонликми? Йўқ, бундай эмас. Руҳонийлар ёлғиз Паҳлавон Маҳмудни эмас, машҳур шоирлардан Камол Хўжандий, Машрабни ва Ҳувайдони ҳам «авлиёлар» қаторига қўшиб, уларнинг ҳам мақбараларини зиёратгоҳга айлантирган эдилар. Хўш, нега руҳоний табақага шоирларни «авлиё» деб эълон қилиш зарур бўлиб қолди?

Маълумки, улуг санъаткорларнинг зўр нуфузи —

катта обрўси бор. Риёкор шайхлар, мунофиқ зоҳидлар ва умуман руҳоний табақа шоирларга «авлиё» лақабини тақиб, уларнинг обрўларидан фойдаланиб келганлар: шу йўл билан ўз мавқеларини мустаҳкамлашга уринганлар. Аслида эса, на Паҳлавон Маҳмуд, на Камол Хўжандий ва на Ҳувайдо, на Машраб «авлиё» бўлган эмас!

Паҳлавон Маҳмуд ўз асрининг донишманди эди, у ўзининг узоқ умри давомида ҳаётни мушоҳада этиб, тўғри хулосалар чиқарган, бу ҳол унинг рубойларида ёрқин акс этиб, уларни ҳикматли сўзлар даражасига кўтарган. Мана шулардан бири:

Қора тош сира ҳам бўлмас ложувард,
Тоза қалбга юқмас асло чангу гард,
Қулоқ солгин Пурёйвалий сўзига,
Қўрқоқлардан бирон чиққанмиди мард!

Рост айтади бу улуг донишманд, ёмон одамдан фақат ёмонлик, ёвузлик кутиш мумкин, мардликка, валломатликка, эзгуликка у қобил эмас!

Паҳлавон Маҳмуднинг нодонлардан, жоҳиллардан нафрати шу қадар зўрки, уни шоирнинг ўз тили билан айтмасдан бошқача таъбир билан тушунтириш имкондан хориждир. Мана у нима дейди:

Уч юз Кўҳи Қофни келида туймоқ,
Дил қонидан бермоқ фалакка бўёқ,
Еинки бир аср зиндонда ётмоқ,
Нодон суҳбатидан кўра яхшироқ.

Умар Хайёмнинг кўза ва кўзагар мавзуидаги рубойлари кйтобхон омманинг хотирида, албатта. Хайём бу мавзудаги рубойларидан бир томондан, материянинг абадийлигини тасдиқлар, иккинчи томондан, кўзагар образи орқали яратувчига — тангрига киноя қилиб,

бизни-ку лойдан ўзинг яратдинг, агар ёмон бўлсак — айб кимда, яхши бўлсак синдиришинг боиси нима, деб кулади.

Паҳлавон Маҳмуд ҳам шу мавзуда баҳс очиб, материянинг абадийлигини тасдиқлайди. Лекин Хайём билан Маҳмуд Паҳлавоннинг бу масалага муносабатида андак фарқ бор. Хайём одамнинг туғилиши, ўлиши, унинг тупроққа айланиши, бу тупроқдан бир кун кулол кўза ясаши, бу кўзанинг яна синиб, тупроққа айланиши, бу тупроқдан гуллар — чечаклар униб чиқиши, хуллас, материянинг доимий ҳаракатда бўлишига лоқайдроқ — бепарвороқ қарайди, бунга унчалик куюнмайди, ачинмайди. Маҳмуд Паҳлавон эса, бу шум зарурат олдида изтиробга тушади, қақшайди. Шу жиҳатдан қуйндаги рубойларга зеҳн солиб кўринг:

Хайём:

Лойни муштлаб турган анови кулол—
Қилсайди ақл ила чуқурроқ ҳаёл,
Ҳеч қачон бунчалик тепкиламасди
Ота тупроғидан ясаркан сопол.

(Ш. Шомухамедов таржимаси)

Паҳлавон Маҳмуд:

Гуркираган олов—дилим йўлдоши,
Тўлқин урган дарё—кўзларим ёши,
Кўзагарлар ясаётган ҳар кўза—
Кўҳна дўстлар хоки—қўли ё боши.

Бу рубойларда гап, ҳозирча, инсон закосида қудратлироқ бир куч — ўлим ва унинг мантиқи оқибати устида боради. Хайём бу табиий оқимга таассуф аралаш табассум билан қарайди. Паҳлавон эса, бу мудҳиш оқибатни ўйлаганда ларзага тушади. Бунинг сабаби шунки, ўлим каби табиий заруратга Хайём соф фалсафий

жиҳатдан ёндошган, Паҳлавон Маҳмуд эса, бу аччиқ ҳақиқатнинг ҳиссий — лирик жиҳатига кўпроқ эътибор берган.

Паҳлавон Маҳмуднинг муҳаббат мавзуидаги рубойларини олиб кўрайлик. Паҳлавоннинг ишқ мавзуидаги рубойлари фикрнинг равшанлиги, мазмуннинг теранлиги, маҳбубга муносабатнинг самимийлиги, лирик қаҳрамоннинг маъшуқа ризоси учун ҳар қандай фидо-корликка ҳозирлиги, образларнинг ранг-баранглиги, хулосаларнинг фавқулодда ва кутилмаганлиги билан кишини ҳайратда қолдиради. Чунончи:

На чораки маломатдур ватаним,
Ишқ ўлдирди, севги менинг кафаним.
Жаннат боғларида сен ўтир, зоҳид,
Мен—маст булбул, дўзах менинг чаманим.

Сўрагин, гўзалим, керак бўлса жон,
Жон эмас, сўрагин ҳаттоки имон.
Фақат яқинроқ кел, қилма интизор,
Сен ҳарна истасанг бергум бегумон.

Деди ёрим: «Яна нима ғамнинг бор?
Хаёлинг банд этди қайси гўзал ёр?»
Қўлларига бериб ойна, дедимки:
Кимнинг аксин кўрсанг—шу менга дилдор.

Муҳаббат мавзуидаги ғазалларда, рубойларда, ҳатто баъзи дostonларда «ёр», «дўст», «маъшуқа», «маҳбуба», «жонона» сўзлари турли маъноларда келади. Сўфиёна шеърларда бу сўзлар «худо» маъносида ишлатилади. Бобир бу сўзларни диёр — ватан маъносида қўллайди. Машҳур форс-тожик шоири Лоҳутий бу сўзларни ватан, озодлик, инқилоб ва идеал маъносида ишлатади. Абулқосим Лоҳутийнинг қуйидаги ажойиб рубойида бу ҳақиқат жуда равшан ифодасини топган:

Ошиқингман, ишқинг меним имоним,
Борлигимнинг моҳияти жононим,

Садқа бўлсин сенга ҳар неки борим,
Сен маъшуқам—инқилобим, Эроним.

Умар Хайём, Паҳлавон Маҳмуд, Навоий ва Ғузулий каби улуғ санъаткорларда «ёр», «дўст», «маҳбуба», «маъшуқа», «жонона» каби сўзлар кўпинча, коинотнинг латофатига рамз — символ бўлиб келади. Зотан, санъатда инъикос этган нафосат коинотдаги барча гўзалликларнинг жамулжами, мужассам тимсолидир. Мана шу олий гўзаллик бир шоирга соҳибжамол ёр, бирига гўзал диёр, бошқасига инсон истагининг арши аълоси — ғояларнинг чўққиси бўлиб кўринади-да, нафис бир табассум билан ҳаммани ўзига имлайди. Йўқ, имламайди, ижодга, курашга, камол топишга даъват қилади.

Паҳлавон Маҳмуднинг назар-эътиборидан молпараст, дунёпараст, бошқача айтганда, олтин-кумуш бандалари ҳам четда қолмаган. Мол-дунёга, олтин-кумушга сажда қилувчи бу тоифа: «ема, ичма, бўл бахил, бой бўлмасанг мен кафил», шiori остида иш кўрадилар. Бу тоифа бой бўлади, лекин гадодан баттар кун кечиради. Улар бойлигини боласидан аяйди. Маҳмуд Паҳлавон ана шу тоифа устидан истеҳзо қилиб бундай дейди:

Эй хожа, сен нечун бунча беҳабар,
Хаёлингда кеча-кундуз кумуш, зар,
Дастмойи-ку бу оламда бир кафан,
Буюрганми сенга кафан, ким айтар?

Паҳлавон Маҳмуд Чингизнинг қонли юришлари натижасида мамлакатга етказилган оғир жароҳатлар ҳали битмаган бир даврда яшади. Бу давр — Ўрта Осиё ва айниқса, Хоразм тарихининг энг оғир даври эди. Паҳлавон Маҳмуд ватан бошига тушган бу сонсиз-саноқсиз балолар, гўфонларнинг шоҳиди бўлди. Шоир мана шу тарихий бахтсизликларни бир рубойга сийдириб, ўз асрининг ажойиб реалистик лавҳасини чизиб берган:

Давронда кўп кўзни мен гирён кўрдим,
Неки бало бўлса беомон кўрдим,
Нуҳ минг йил яшади, кўрди бир гўфон.
Мен Нуҳ бўлмасам ҳам минг гўфон кўрдим.

Биз Паҳлавон Маҳмуд рубойларидан бир неча мисоллар келтирдик, холос. Лекин, зийрак ўқувчилар бу қатрада денгиз акс этганини ҳис этадилар, деб ишонамиз.

* * *

Паҳлавон Маҳмуднинг номига ҳамиша бир-икки лақаб тиркаб айтилади. Уни Хоразмда: «Паҳлавон Маҳмуд», «Полвонпир» десалар, тарих ва тазкира китобларида «Ҳазрат Паҳлавон», «Маҳмуд Пирёввали», «Маҳмуд Пурёйвалий» деб тилга олинади. «Оташкада» ва «Қомусул аълom»да эса, Паҳлавон Маҳмудни жанговар, жангжўй, ҳарбий, урушқоқ маъносида «Қитоли» лақаби билан тилга оладилар.

«Мажолисул-ушшоқ» тазкирасида келтирилган бир ғазалида Паҳлавон Маҳмуд «Қитоли» лақабини ҳам тахаллус ўрнида ишлатган. Чунончи:

Дасте намерасад чу Қитоли ба зулфи ёр
Қувват зи по—у зўр бозу ниҳодаем¹.

Баъзи тазкирачилар Пирё Вали шоирнинг отасининг номи деб даъво қилса (масалан, Шамсиддин Соми), бошқалар Пирё Вали шоирнинг тахаллуси деган фикр-ни олға сурадилар (масалан, Виктор Виткович).

Аслида бу даъволарнинг ҳар иккиси ҳам хато.

¹ «Мажолисул-ушшоқ», 271—278-бетлар, ЎзФА Шарқшунослик институти, қўлёзмалар фонди, ин. № 13787.

«Чароғи ҳидоят» лугатида: «Пурёйвалий—пахлавонлар пирига бериладиган лақаб» дейилади¹.

Маҳмуд эса, Урта Осиё, Эрон ва Ҳиндистонда елкаси ерга тегмаган биринчи даражадаги паҳлавон эканини юқорида қайд қилган эдик. Шунинг учун паҳлавонлар паҳлавони, паҳлавонлар пири маъносида Пурёйвалий лақаби дастлаб хоразмлик Паҳлавон Маҳмудга берилган. «Ғиёсул лугат»нинг қуйидаги сўzlари ҳам бу фикрни тўла тасдиқлайди:

«Пурёйвалий Маҳмуд Хоразмийнинг лақаби. Баъзан бу сўз мажозий маънода зўрхона (пахлавонхона) бошлиғи бўлган кекса паҳлавонларга ҳам нисбат берилди»².

Мана шу асосларга биноан биз Маҳмуднинг паҳлавонлик лақабини бу кунгача ёзиб келгандек Пирёр Вали шаклида эмас, Пурёйвалий шаклида ёзишни маъқул кўрдик.

Котиблар рубойларни кўчирганда жуда кўп хатога йўл қўйганлар. Натижада бир мисрада вазн бузилган бўлса, бошқасида маъно тамомила ўзгариб кетган. Форс адабиёти мутахассисларидан дўстим Мунирхон Муинзода билан бақамти котибларнинг муқаррар хатоларини топиб тузатдик. Бизнинг бу хизматимиз нимадан иборат эканини қуйидаги мисолларда аниқ кўришингиз мумкин:

Қўлёзмада:

1. Бо хеш писари ки дилбариро шояд

Тузатилгани:

Бо хуш писаре ки дилбариро шояд

¹«Ғиёсул-луғат»нинг 100 ва 577-саҳифаларига қаралсин. Кампур, Раззоқий матбааси, ҳижрий 1323 йил.

²«Ғиёсул-луғат»нинг 100 ва 577-саҳифаларига қаралсин. Кампур, Раззоқий матбааси, ҳижрий 1323 йил.

Қўлёзмада:

2. Гар тарки видоъ кардаем маъзурам

Тузатилгани:

Гар тарки видоъ кардаам маъзурам

Қўлёзмада:

3. Май нўш бенишон баса хоҳад мурд

Тузатилгани:

Май нўшки бенишон баса хоҳад мурд

Қўлёзмада:

4. Э дил то ғами ишқ таманно карди

Тузатилгани:

Э дил чу ғами ишқ таманно карди

Қўлёзмада:

5. Он зарраки ҳисоб нояд ноем

Тузатилгани:

Он зарраки дар ҳисоб нояд моем.

Қўлёзмада:

6. Бо бад биншин бош бегонаи у

Тузатилгани:

Бо бад манишину бош бегонаи у

Қўлёзмада:

7. Дарёи талаб жумла бару баста бувад

Тузатилгани:

Дарҳойи талаб жумла барӯ баста бувад

Қўлёзмада:

8. Душанба бурд бор душам буд

Тузатилгани:

Душинаки бар дарғаҳи ту душам буд

Қўлёзмада:

9. Дар роҳ нигарки роҳ чунан рафтанд

Тузатилгани:

Дар роҳ нигарки роҳ бинон рафтанд.

Қўлёзмада:

10. Расместки дар вафо бани одам нест

Тузатилгани:

Расмест вафоки дар бани одам нест.

Қўлёзмада:

11. Ман Нуҳи ним ҳазор тўфон дидам

Тузатилгани:

Ман Нуҳ наям, ҳазор тўфон дидам.

Бошқа тузатишлар ҳам худди шу руҳда бўлиб, рубойларнинг котиблар вайрон этган вазнини, мазмунини бир даражада тикладик, деб ўйлаймиз.

Биз «Рубоиёти ҳазрати Паҳлавон» номи билан юритилган беш қўлёзма нусхани қўздан кечириб, шулардан эллик етти рубойини танлаб, таржима қилдик. Айрим нусхаларда уч юздан ортиқ рубойлар бор-ку, нега биз кўпроқ олмадик? Бунинг сабаби шуки, ҳамма нусхаларга бошқа шоирларнинг рубойилари кириб қолган. Қандайдир масъулиятсиз котиб сўраб-суриштирмай, қўлга тушган ёки эшитган ҳар бир рубойини Паҳлавон Маҳмудга нисбат бериб кўчира берган. Натижада, «Ҳазрати Паҳлавон рубойилари» номли қўлёзмалар турли маслак ва ҳар хил савиядаги шоирларнинг муштарак рубойи тўплами бўлиб қолган.

Хоразмликлар асрлар давомида Паҳлавон Маҳмудни «авлиё» деб юрганлари учун бўлса керак, котиблар ҳам нуқул сўфиёна рубойиларни унга нисбат бериб тўпламга кирита берганлар. Бунинг устига биз кўриб чиққан қўлёзмалар ҳаммаси ҳам XIX—XX асрда кўчирилган. Агар булар орасида бирорта эски-мўътабар нусха бўлганда, Паҳлавон Маҳмуд рубойиларини ажратиш енгилроқ бўларди. Афсуски, ҳозирча эски нусхалар топилгани йўқ. Шунингдек, «Оташкада» ва «Қомусул аълом»да тилга олинган «Қанзул ҳақойиқ» номли маснавийни ҳам топиш бизга насиб бўлмади.

Биз, Паҳлавон Маҳмудга нисбат бериб, бошқа шоирларнинг асарларини нашр этиб қўймайлик, деган анди-

ша билан рубойларни мумкин қадар синчиклаб текширдик, турли шоирларнинг рубойлари қоришиб кетган бу шубҳали нусхаларни қайта-қайта ўқиб, Паҳлавон Маҳмуднинг соғлом, мағрур овозини фарқ этишга ҳаракат қилдик. Биз танлаган рубойлардаги руҳий тетиклик, фикрий теранлик уларни бошқа рубойлардан ажратиб туради. Айрим рубойларга эса шоир: «Бишнава сухани Маҳмуд Пурёйвалий» деб, ўз номи билан муҳр босиб қўйган.

Шоирнинг номи зикр қилинган рубойларнинг руҳига қараб, биз шу қалбнинг садосини, шу руҳнинг туғенини ўқувчига етказишга ҳаракат қилдик.

Хива — Тошкент
1960 йил



МАРДЛИК ВА ОДАМИЙЛИК ТАРОНАЛАРИ

Учинчи нашрига сўзбоши

I

Субҳидам пайти кимдир кўча эшигини қоқди, бу декабрь ойининг аёз тонги эди. «Ҳозир» дедим-да, наридан-бери кийиниб ташқарига чиқдим. Чиқдим, ҳайрон бўлиб қолдим. Эшигимиз олдида Хоразм область прокурори Рустам Муҳамедов турарди.

Мен меҳмонни дарҳол иссиқ уйга бошлаб кирдим, пальтони ечиб, бемалол ёзилиб ўтиришни таклиф қилдим. Аммо, меҳмон узр айтди:

— Домла, мен сизга Хоразмдан совға олиб келдим. Шу нарсани сизга топшириб, иккинчи самолётда кайтишим шарт, чунки кечки пайт обкомда мажлис бўлади.

Демак ҳеч қандай эътирозга ўрин йўқ.

Биз ошиғич равишда совғани очиб кўрдик. Бу—биз зориқиб, истаб юрган Паҳлавон Маҳмуднинг рубойлари мажмуаси эди.

Мен камоли қувонганимдан меҳмонни қучоқлаб ўпдим, ваъдага вафолари, олижанобликлари, маданиятимиз тарихига бўлган чексиз эҳтиромлари учун Мадраҳим Раҳмонов ва Рустам Муҳамедовларга қайта-қайта ташаккур айтдим.

Меҳмон хайр-хўш қилиб кетгандан сўнг, мен ифтихор билан ўйлардим: «Ажабо, партия ва давлат арбоблари, ҳатто адлия ходимлари ҳам адабиёт, шеърят хизматида, бу қандай гўзал-а!»

Мадраҳим Раҳмонов ким дейсизми? Воқеа мана бундай:

Паҳлавон Маҳмуд ҳақидаги асаримни кенгайтириб, уни қайта нашр этиш менинг ўн йиллик орзуим. Бу—янги тадқиқотлар ўтказиш, шоирнинг бошқа асарларини топиш, уларни форсчадан ўзбекчага таржима қилиб, шарҳу баён этиш демакдир.

Шу мақсадда 1974 йил 23 сентябрда Ёзувчилар Союзидан ижодий командировка олиб, Хивага жўнадим. Таассуфки, Хива зиёратидан мурод ҳосил бўлмади. Хивадан бирор янги нарсаси топмадимгина эмас, борлари ҳам музейдан йўқолганини эшитиб қаттиқ ранжидим. Хуллас, Хивадан ҳуноб бўлиб Урганчга қайтдим.

Урганчда эски қадрдонимиз, область прокурори, ҳуқуқшунослик фанлари кандидати муҳтарам Рустам Муҳамедов хонадонидида меҳмон бўлдик. Кечқурундарстурхон атрофида уч киши ўтирардик: мен, мезбон ва Хоразм областининг масъул ходимларидан Мадраҳим Раҳмонов.

Тўсатдан келган меҳмонга: «Қандай шамол учирди?»—каби савол бериш одати бор.

Мен сафарим сабабини айтиб, Хива музейидан Паҳлавон Маҳмуд рубойларининг шоир Фируз кўчирган энг нодир нусхаси йўқолганини ҳасрат-надомат билан нақл қилдим.

Эшитганлар жуда хафа бўлишди, хафа бўлишди эмас, бир оз хижолат чекишди. Ахир, оталаримиз олти юз йил асраган дурдоналарни бугун музейдан ғойиб бўлиши ҳазил жиноят эмас-да! Ажабо, қайси муртад, қайси малъун бу қабиҳ ишга қўл урди экан?

Мадраҳим Раҳмонов узоқ йиллар обкомнинг биринчи секретари, область ижроия комитетининг раиси ла-

возимида ишлаган, кўпни кўрган вазмин, камтарин киши эканлар. Мана шу киши менга тасалли бериб бундай дедилар:

— Хафа бўлманг, домла. Эзгу ният билан сафарга чиқибсиз. Сизни ноумид қилиб қўймаймиз. Паҳлавон рубойларининг бир нусхаси менда ҳам бор. Аммо яқинда уни бир қариндошимиз Шовотга олиб кетган эди. Ҳозир пахта терим кампанияси, ҳаммамиз шу иш билан бандмиз. Сал қўл бўшаса, дарҳол уни олиб келамиз, бироқ сизга қандай етказиб беришни билмай турибман.

Гап шу ерга келганда мезбонимиз Рустам Муҳамедов сергакланиб:

— Агар сиз китобни менга келтириб берсангиз, мен дарров Тошкентга бориб, уни домланинг ўз қўлларига топшириб келаман,—деб илтифот қилдилар.

Бу фикр ҳаммамизга мақбул тушди, учовлон шунга қарор қилдик.

Рустам Муҳамедовнинг Урганчдан китоб кўтариб Тошкентга келишдан мақсади шу ваъдага вафо қилиш эди.

Ўртоқ Раҳмонов бериб юборган нусха олтмиш уч саҳифадан иборат бўлиб, уни 1944 йилда Ҳасанмурод Қори кўчирган, аммо қайси манбадан олингани кўрсатилмаган. Ушбу мажмуада форс-тожик тилида ёзилган уч юз ўн тўрт рубой бор.

Мен бу тўпламни олиб, Андижонга равона бўлдим. Муродим андижонлик дўстларим Имонддин Қосимов (Улфат) ва Омонулло Валихонов (Боқир) билан бақамти Паҳлавон Маҳмуд рубойларини синчиклаб ўрганиш, уларнинг энг нафис ва мумтозларини танлаб олиш эди. Гап шундаки, Боқир ва Улфат форс тилинигина эмас, форс классик адабиётини ҳам жуда яхши билишади. Назаримда, биз учовлон бирга бўлсак, ҳар қандай нозик нуктани ечишимиз, ҳар бир маъно товланишини пайқашимиз осон кўринади.

Худди шундай бўлди. Ўн кун давомида (ҳар кун эрта соат 8 дан соат 2 гача) Ҳазрат Паҳлавон рубойларини синчиклаб ўқиб чиқдик. Шу жараёнда котиб йўл қўйган муқаррар хатоларни топиб тузатдик. Бадий баркамол рубойларни алоҳида дафтарга кўчирдик. Ана шундай тайёргарликдан сўнг таржимага киришдик.

Машҳур рус шоири Жуковскийнинг таржима санъати ҳақида ажиб фикри бор: «Прозада,—дейди Жуковский,—таржимон авторнинг қули, поэзияда шоирнинг ҳамкоридир». Биз учовлон Ҳазрат Паҳлавонга муносиб ҳамкорлар бўлдикми-йўқми, бу жиҳати биздан кўра муҳтарам ўқувчиларга аёнدير.

II

Паҳлавон Маҳмуд рубойларини ўқиган киши ўзини қандайдир маънавий покиза, руҳий тетик ва улуғвор ҳис этади, чунки бу рубойларда шу руҳ сингдириб юборилган.

Хўш, бу қудратли руҳнинг сарчашмаси қаерда? Бу Паҳлавон Маҳмуднинг шахсий эътиқодлари ифодасими ёхуд бирор табақа, гуруҳнинг ғоявий дастурими?

Кўҳна манбалар, жумладан Фаридиддин Атторнинг «Тазкиратул авлиё» китобида айтилишича, бу покиза руҳ тарихда футувват ёки жувонмардлик номи билан машҳур бир оқимнинг, бир ижтимоий табақанинг дастуриламалидир.

Жувонмардлар халққа беминнат хизмат қилиб, муздини ҳақдан талаб қилиш шиори остида иш тутганлар.

Эрон олимларидан Саид Нафисий «Сарчашмаи тасаввуф дар Эрон» номли асарида: «Футувват—жувонмардлик гуруҳининг улуғ пешволаридан бири машҳур шоир Паҳлавон Маҳмуд Хоразмийдир»,—деб таъкидлайди. Шу олимнинг уқтиришича, Урта Осиёнинг дойорақ исёнкорлари—сарбадорлар ҳам жувонмардлар гуруҳига мансуб бўлганлар.

XIII—XIV асрларнинг бир даража уюшган меҳнаткаш табақаси, шубҳасиз, шаҳар ҳунарманд-қосиблари эди. Булар темирчилар, қуролсозлар, мисгарлар, дурадгорлар, кўнчилар, мўйнадўзлар, тўқувчилар, тикувчилар ва меъморлардан иборат катта куч эдилар. Жувонмардлар мана шу ҳунармандлар гуруҳининг жанговар намояндалари сифатида майдонга чиқдилар. Араб ва мўғул босқинчиларининг вайронкорона ҳарбий юришлари азобини чеккан бу мазлум ўлка халқларининг тақдирга тан бериб кетишлари қанча ғайри-табiiй бўлса, шу элнинг ўктам ўғлонлари орасида жувонмардлик, сарбадорлик ҳаракатининг пайдо бўлиши шунчалик табiiйдир.

Жувонмардлар гуруҳининг ҳаёт принциплари мардлик ва унинг беағи: марҳамат, шафқат, мурувват, саховат ва олижаноблик асосига қурилган. Жувонмардлар элга хизмат қилишни, афтодаларга дастгир бўлишни, муҳтожларга марҳамату заифларни ҳимоя қилишни ўзлари учун шараф деб билганлар.

Профессор Е. Э. Бертельс «Сўфизм ва сўфийлик адабиёти» номли китобида: «Футувват ҳунармандларнинг яширин ташкилоти»—деб атайди.

Еш олимларимиздан Ёқубжон Исҳоқов футувват—жувонмардлик ҳаракатидан баҳс этиб: «Ҳунармандлар гуруҳининг илғор қарашлари ва интилишларини ифодалаган бу йўналиш ўша даврдаги илғор кучларнинг маълум қисми учун маънавий замин бўлган»—дейди.

Паҳлавон Маҳмуд футувват—жувонмардлик ҳаракатининг ташкилотчисигина эмас, унинг маънавий раҳнамоси эди. Шоирнинг мардлик ва олижаноблик руҳидаги рубойлари шундан далолат бериб турибди:

Олам фили қайтаролмас журъатимиз,
Чархдан зўрроқ қудратимиз, шавкатимиз,
Гар чумоли кириб қолса сафимизга—
Шер, этажак уни дарҳол давлатимиз,

Ўз нафсинга бўлган амир, шунда мардсан,
Ўзгаларга бўлма ҳақир, шунда мардсан,—
Инқилганни тепиб ўтиш мардлик эмас,
Афтодага бўлсанг дастгир, шунда мардсан.

Устоз Навоий ҳам бу борада ғоят порлоқ бир фикр
айтганлар, табаррук учун шу байтни келтираман:

Мурувват барча бермоқдур, ёмоқ йўқ,
Футувват барча қилмоқдур, демоқ йўқ.

III

Паҳлавон Маҳмуд тасаввуф тариқатининг ваҳдатул
мавжуд (пантеизм) оқимиға мансуб файласуфлардан
эди. Агар дин пешволари, худо ломакон, унинг шаклу
шамойили йўқ, дейишса, бу файласуфлар бутун табиат-
ни илоҳийлаштириб, худонинг дийдорини коинотдаги
барча мавжудотда кўришади. Инсон тафаккуридаги бу
жараёни немис файласуфи Фейербах: «идеализмдаги
материализм»,—деб атайди.

Энди Паҳлавон Маҳмуднинг пантеизм руҳи билан
суғорилган қуйидаги рубойларига зеҳн солиб кўринг:

Жаҳон чеҳра—рангу рўйи ўзингсан,
Ақл дарё—унинг суйи ўзингсан,
Гул баргида шабнамдайин ўтирма,
Бу боғчанинг рангу бўйи ўзингсан.

Гул ёғади юзларингдан субҳивор,
Гул ёғади хулқингдан ҳам чун баҳор,
Лаҳза сари рангга тўлиб бу олам—
Гул ёғади чеҳра очиб бу рўзгор.

Шариат пешволари мўминларга у дунёда жаннат
ваъда қилиб, осийю жофийларни дўзах азоблари билан
қўрқитишади. Ваҳдатул мавжуд файласуфлари эса, бу

ғапларга зоҳид сафсатаси деб қарайдилар, инсон ва
унинг ақлий, ижодий имкониятларига юксак баҳо бе-
риб, худо инсоннинг қалбида, жаннату дўзах ҳам инсон
вужудида, у билан бир пўстда деб қарашади.

Шу мазмун адосида Ҳазрат Паҳлавоннинг қуйидаги
фарди ғоят ёрқин чиққан:

Беҳишту дўзахинг ўзинг-ла ҳампўст,
Ўзгадан қидириб нетарсан, эй дўст?

Паҳлавон Маҳмуд 79 йил умр кўрди. (1247—1326).
Ўзининг баракали умри давомида шоир талай тарихий
воқеаларнинг шоҳиди бўлди, кўп кузатишлар, муш-
оҳадалар ўтказди. Натижада унинг фалсафий қарашла-
рида ўзгариш рўй берди, у тадрижий равишда фалсафа-
нинг бир қутбидан иккинчи қутбига, яъни идеализмдан
материализм томон қадам ташлади. Шоир тафаккури-
даги бу ўзгаришни сиз қуйидаги рубойларда равшан
кўришингиз мумкин:

Дунё бинокори тузар қаср—айвон,
Тузиб бўлади-ю, қилади вайрон,
Фалакка етказиб бугун тоқини,
Эртага этади ер билан яксон.

Ерга аралашиб ётар неча дил,
Жаҳон зарралари—лаб, тиш ёки тил,
Ердан униб чиққан сунбул ё гулни
Гўзалларнинг сочи ё юзи дегил.

Паҳлавон Маҳмуд «жаҳон зарралари—лаб, тиш
ёки тил» деб ҳаракатдаги материяни кўзда тутмоқда,
демак, материянинг шакли ўзгарса ҳам моҳияти ўзгар-
майди, нобуд бўлмайди, вожибал вужуднинг, яъни пар-
вардигорнинг амру продасидан ташқари мажудлиги-
ча қславеради.

Т. Жалолов
1975 йил



روبايعيات

۱

يارب درخلق تكيه گاهم نكنى
محتاج وزيرو يا دشاهم نكنى
موى سيهم از كرم گشته سفيد
باموى سفيد روسيا هم نكنى

۲

برروى گل از ابر نقاب است هنوز
درطبع دلم ميل شراب است هنوز
درخواب مروچه جاى خواب است هنوز
جانامى خور كه آفتاب است هنوز

۳

ازروى توصيح و ار گل ميبارد
وزخلق توچون بهار گل ميبارد
آن صبح شگفته كه در عهد خوش است
از چهره روزگار گل ميبارد



РУБОИЙЛАР

1

Ўзгаларни менга такягоҳ қилма,
Муҳтожи вазиру подшоҳ қилма.
Карамингдан қора сочим оқарди,
Оқ сочим-ла зору рӯсиёҳ қилма.

2

Гул юзида булут ниқобдур ҳануз,
Кўнгилларда майли шаробдур ҳануз,
Ухламагин, ғафлат вақтими ҳозир?
Май ич жоно, зеро офтобдур ҳануз.

3

Гул ёғади юзларингдан субҳвор,
Гул ёғади хулқингдан ҳам чун баҳор,
Лаҳза сари рангга тўлиб бу олам—
Гул ёғади чеҳра очиб бу рӯзгор¹.

¹Рӯзгор — Паҳлавон Маҳмуд бу сўзни олам, коинот маъносида ишлатганлар. (Т. Ж.)

روئي است جهان كه رنگ آن روى تويى
 جوئي است خرد كه آب آن جوى تويى
 شاداب نشين چوشبنم گل همه عمر
 كين باغچه را رنگ تويى بوى تويى

يارب تو درخت عمر ما پست مكن
 يارب ز شراب هستيم مست مكن
 يارب بكرم جمله جوانمر دانرا
 محتاج و پريشان و تيهى دست مكن

از دور بديدم لب پر خنده تو
 آزاد بودم باز شدم بنده تو
 هر بنده كه از ادشودشا دشود
 من شادير آنكه شدم بنده تو

اى دل بكنند دلبرى افتادى
 در دام بت ستمگرى افتادى
 از قيد يكي خلاص ناكشته هنوز
 فى الحال بدام ديگرى افتادى

Жаҳон чехра—рангу рӯи ӯзингсан,
 Ақл дарё—унинг суви ӯзингсан,
 Гул баргида шабнамдаини ӯтирма,
 Бу боқчанинг рангу бўи ӯзингсан.

Уримиз дарахтин паст қилма, рабби,
 Борлиқ шаробидан маст қилма, рабби,
 Ӯзинг карам бир-ла мард йигитларни
 Нокасларга зеридаст қилма, рабби.

Йироқдан қарасам лабинг пурханда,
 Озод эдим, тагин бўлибман банда.
 Озодликдан ҳар бир банда эрур шод
 Мен шундан шод—сенга бўлибман банда.

Дилим яна дилбар домига тушди,
 Не дилбар, ситамгар домига тушди,
 Бирининг бандидан қутулмай ҳануз,
 Бошқа парипайкар домига тушди.

از یاد تو دل زمان زمان، تازه شود
 آری ز نسیم گلستان تازه شود
 دیدار تو عید یست که از دیدن آن
 خاطر خوش و دل خرم و جان تازه شود

آن کسکه زمین و چرخ افلاک نهاد
 بس داغ که او بردل غمناک نهاد
 بسیار لب چو لعل، زلفین چو مشک
 در بطن زمین خطهء خاک نهاد

گل بر کف و بانگ شیشه در گوشت باد
 غمهای جهان جمله فراموش باد
 بانغمهء آبشار در سایهء ابر
 چند آنکه قدح نوش کنی نوشت باد

مائیم که از قید الم آزادیم
 غم گرچه غذای ماست دائم شادیم
 هشیاری رانه رنگ دانم ونه بوی
 چون نرگس یارمست مادرزادیم

دوشینه بگریه صیقل سینه شدم
 آیینه فروزدل بی کینه شدم
 اشکم اثرار گردکدورت بگذاشت
 چندان بگر یستم که آیینه شدم

Единг билан кўнглим ҳар замон тоза,
 Насим эсса бўлғай гулистон тоза,
 Дийдоринг фараҳбахш, уни кўрганда—
 Хотир жам, дил хуррам, танда жон тоза.

Ул қодирки арзу афлок яратди,
 Кўнгилда доғ, дилни ғамнок яратди,
 Мушкин зулфларни-ю, ёқут лабларни
 Ерга қориб, охирда хок яратди.

Қўлда гул, қулоқда шишадан овоз,
 Жаҳон ғамларини даф этар бу соз.
 Сув нағмаси-ю, булут соясида
 Қадаҳ тутсалар ич, қилмайин ҳеч ноз.

Аламлар қайдидан озодлар—бизлар,
 Ғам ризқимизу доим шодлар—бизлар.
 Ҳушёрлик не, ранги рўйин билмаймиз
 Ер кўзидек мастона зодлар—бизлар.

Йиғилардан бўлди беғубор сийна,
 Дилим ҳам кўзгудек бўлиб бекина,
 Кўз ёшим кудурат ғуборин ювиб,
 Соф бўлди қалбим ҳам мисли ойина.

دی طوطیء ما شکر مقالی میکرد
صد عشوه با بروی هلالی میکرد
کنج دهن از خنده نمیداد شکنج
جائی ز برای بوسه خالی میکرد

زلف تو که طعن بریت چین میکرد
چشمیت بکرشمه غارت دین میکرد
رخسار تو میدید خدا بر عرصات
بر قدرت خود هزار تحسین میکرد

از آمدنت اگر خبر داشتمی
در رهگذرت گل سمن کاشتمی
گر کاشتمی بدیده برداشتمی
خاک قدمت بر مژه بگذاشتمی

امروز بهای هیزم وعود یکيست
در مرتبه خلیل نمرود یکيست
در گوش کسانی که ز دولت مستند
آواز خروغمهء داود یکيست

دل بهر تو صد تیغ ملامت خورده است
صد زخم ز تیغ به قیامت برده است
در عهد تو چون کسی سلامت طلبد
روزی که نوزادهای سلامت مرده است

Маҳбубимнинг ширини мақоли яхши,
Ҳам серишва қоши—ҳилоли яхши.
Оғиз ганжин кулгидан ҳеч тиёлмас,
Бўса учун бўш жойи—холи яхши.

Зулфинг мудом таънаи санами Чин,
Кўзинг карашмаси бир ғорати дин,
Аросатда худо кўrsa рухсоринг
Қудратига ўзи ўқир минг таҳсин.

Келишингдан воқиф бўлсам баногоҳ,
Гул экардим йўлларинга субҳигоҳ,
Шу гуллардан гулдасталар тутардим
Бу шарафдан маҳрум бўлибмен, эй воҳ.

Ҳайфокӣ баҳода ўтини уд бир¹
Ҳам мартабада Халилу Намруд бир²,
Давлатдан маст бўлган анқов наздида
Эшак овози-ю куйи Довуд бир³.

Дастингдан дилимда юз хил маломат,
Бу захм битмағай токи қиёмат,
Ким ҳам сендан умид қилар саломат?
Сен туғилган куни ўлган саломат.

¹УД — музика асбоби, қимматбаҳо дарахт.

²Намруд — худодик даъво қилган энг золим подшо.

Халил — Намруд зулми ва даъволарига қарши исён кўтаргани учун гулханга тақдланган Иброҳимнинг сифати, лақаби.

³Довуд — машҳур созанда ва хонанда.

ای سر وقد و سمنبر گل رخسار
زینهار مباحش همنشین با خس و خار
هرچندچنار سرفراز چمن اسهت
توشاخ گل تراچه نسبت بچنار؟

باخوش سر این باده ناب اولی تر
وان درمستی دیده پر آب اولی تر
چون عالم دون وفا نخواهد کردن
از باده دردمست خراب اولی تر

از باده لعل ناب شد گوهر ما
آمد بفرغان زدست ما ساغر ما
از بسکه همی خوریم می بر سر می
مادرسر می شدیم و می برسر ما

عید آمد و کارها نکو خواهد کرد
ساقی می ناب درسبو خواهد کرد
افسار نماز و پوز بند روزه
عید سراین خزان برو خواهد کرد

آنیم که پیل چرخ نتابد لت ما
بر چرخ زنند نوبتی شوکت ما
کرد در صف ما مورچه ای گیرد جای
آن مورچه شیر گردد از دولت ما

Эй сарваду кумуш тану гулрухсор,
Нокасга ҳамнишин бўлмагин зинҳор.
Гар чинор чаманда савлат тўкса ҳам,
Гул ила чинорнинг не нисбати бор?

Ширакайфга бу бодан ноб авло,
Мастликда-чи, дийдаи пуроб авло,
Бу пасткаш оламда вафо бўлмагач,
Дард бедасидан масту хароб авло.

Тоза лаълдилр бодадан гавҳаримиз,
Дастимиздан фиғонда соғаримиз,
Биз май бошида-ю, май бизнинг бошда,
Яъни майи нобдир тожи саримиз.

Ҳайит келса савоб иш битгусидир,
Саҳар соқий майи ноб тутгусидир,
Намозингни қўйиб, рўзангни тарк эт,
Бугун гуноҳни савоб битгусидир.

Олам фили қайтаролмас журъатимиз,
Чархдан зўрроқ қудратимиз-шавкатимиз,
Гар чумоли кириб қолса сафимизга,
Шер этажак уни дарҳол давлатимиз.

ای سر وقد و سمنبر گل رخسار
زینهار مباحش همنشین با خس و خار
هرچند چنار سرفراز چمن است
توشاخ گل تراچه نسبت بچنار؟

باخوش سر این بادء ناب اولی تر
وان درمستی دیده پر آب اولی تر
چون عالم دون وفانخواهد کردن
از بادء دردمست خراب اولی تر

از بادء لعل ناب شد گوهر ما
آمد بفرغان زدست ما ساغر ما
از بسکه همی خوریم می بر سر می
مادرسر می شدیم و می برسر ما

عید آمد و کارها نکو خواهد کرد
ساقی می ناب درسبو خواهد کرد
افسار نماز و پوزبند روزه
عید سراین خزان برو خواهد کرد

آنیم که پیل چرخ نتابد لت ما
بر چرخ زنند نوبتی شوکت ما
گردر صف ما مورچه ای گیرد جای
آن مورچه شیر گردد از دولت ما

Әй сарвақаду қумуш тану гулрухсор,
Нокасга ҳамнишин бўлмагин зинҳор.
Гар чинор чаманда савлат тўкса ҳам,
Гул ила чинорнинг не нисбати бор?

Ширакайфга бу бодан ноб авло,
Мастликда-чи, дийдан пуроб авло,
Бу пасткаш оламда вафо бўлмагач,
Дард бедасидан масту хароб авло.

Тоза лаълдир бодадан гавҳаримиз,
Дастимиздан фиғонда соғаримиз,
Биз май бошида-ю, май бизнинг бошда,
Яъни майи нобдир тожи саримиз.

Ҳайит келса савоб иш битгусидир,
Саҳар соқий майи ноб тутгусидир,
Намозингни қўйиб, рўзангни тарк эт,
Бугун гуноҳни савоб битгусидир.

Олам фили қайтаролмас журъатимиз,
Чархдан зўрроқ қудратимиз-шавкатимиз,
Гар чумоли кириб қолса сафимизга,
Шер этгажак уни дарҳол давлатимиз.

گر بر نفس خود امیری مردی
ور بردیگری تکیه نگیری مردی
مردی نبود فتاده را پای زدن
گردست فتاده بگیرد مردی

باقوت پیل مور میباید بود
باملك دوگون اور میباید بود
این طرفه نگر که عیبی هر آدمی
میباید دید و کورمیباید بود

گر کار جهان بزور بودی و نبرد
مرد از سر نامرد بر آوردی کرد
این کار جهان چو کعبتین و چونرد
نامرد ز مرد میبرد چه توان کرد

یادست مرا این سخن از صاحب دردی
مردی نشوی تا نکنی خدمت مردی
زینهار مکن خدمت آنکس که نکرد است
تا عهد جوانی به ادب خدمت مردی

ما صاف دلانیم بکس کینه نداریم
خلقیست بما دشمن و ما با همه یاریم
ماشاخ درختیم پراز میوه توحید
هر ره گذری سنگ زندعار نداریم

Уз нафсинга бўлгин амир, шунда мардсан,
Узгаларга бўлма ҳақир, шунда мардсан,
Йиқилганни тепиб ўтиш мардлик эмас,
Афтодага бўлсанг дастгир, шунда мардсан.

Филдай кучинг бўлса ҳам мўр¹ бўлиб кўрин,
Молинг ошиб-тошса ҳам ур² бўлиб кўрин,
Ҳамманинг айбини билганинг ҳолда,
Ҳеч нарсa билмагандай, кўр бўлиб кўрин.

Олам иши бошида бўдсайди бир мард,
Номарднинг бошидан чиқарарди гард,
Олам иши доимо мисли мард ўйин
Найранг билан ютади мардларни номард.

Бир оқил дейдики: бўлғил валломат,
Еки валломатга қила кўр хизмат.
Номард хизматиға ёндошма эинҳор,
Ўйлагин, бу ўғит қандоқ пур ҳикмат.

Қўнғлим оппоқ, па кек ва на кинам бор,
Душманам кўп ва лекин мен ҳаммага ёр.
Мевали дарахтман, ҳар бир ўткинчи—
Тош отиб ўтса ҳам менга бўлмас ор.

¹Мўр — чумоли.

²Ур — луғавий маъноси ялонғоч демак. Аммо бу ерда оддий кийимда юрмоқ, либосга ортиқча зеб бермаслик маъноснда.

ای دل تو بیا از پی جانانه رویم
لیلی طلبان بهر درخانه رویم
خیام صفت به خمر مستیم مدام
با دوزخ اگر رویم مستانه رویم

حاجی که ز کعبه و ز مینا برگشته
ماريست که رفته ازدها برگشته
زینهار فریب حرمش را مغورید
کاین خانه خراب از خدا برگشته

از سنگ سیاه لاجوردی مطلب
وژ قفل و زنجبیل سردی مطلب
بشنو سخن محمود پوریارولی
از آدم نادرست مردی مطلب

سه صد کوه قافرا به هاون سودن
نه طاق فلک بخون دل اندودن
صد سال اسیر بند زندان بودن
به ز انکه دمی همدم نادان بودن

آتش که النکه میزند سینهء ماست
دریا که چو موج میزند دیدهء ماست
این کوزه گران که کوزه ها میسازند
از خاک برادران دیرینهء ماست

Кел кўнгил, мен ахтарай жононани,
Кўча-кўю ҳар эшик, ҳар хонани
Масту майхўрмиз мудом Хайёмсифат
Дўзах этгаймиш қабул мастонани.

Бу ҳожики аввал эди бир илон,
Ҳаждан келиб аждаб бўлди беомон.
Ҳарам-парам деса асло алданманг,
Уйинг куйгур, ўзи асли беимон.

Қора тош сира ҳам бўлмас ложувард,
Тоza қалбга юқмас асло чангу гард.
Қулоқ солгин Пурёйвалий сўзига,
Қўрқоқлардан бирон чиққанмиди марди

Уч юз Кўҳи Қофни келида туймоқ,
Дил қонидан бермоқ фалакка бўёқ ✓
Еинки бир аср зиндонда ётмоқ
Нодон суҳбатидан кўра яхшироқ.

Гуркираган олов — дилим йўлдоши,
Тўлқин урган дарё — кўзларим ёши
Кўзагарлар ясаётган ҳар кўза —
Кўҳна дўстлар хоки — қўли ё боши.

ماکشته * عشقیم محبت کفن ماست
پرورده * دردیم ملامت وطن ماست
زاهد تو برو جنت و فردوس نشین باش
ما بلبل مستیم که دوزخ چمن ماست

ای دوست اگر جان طلبی جان بتو بخشم
از هرچه عزیزاست بگو آن بتو بخشم
ای کافر بدگیش اگر سوی من آیی
ز نار بخود بندم و ایمان بتو بخشم

دلدار مرا گفت چرا غمگینی
در قید کدام دلبر شیرینی
بر خواستم آئینه بدستش دادم
گفتم که در آئینه که را می بینی

ای خواجه درین جهان چرا بی خبری
دوستان و شبان در طلب سیم و زری
دستمایه تو درین جهان يك کفن است
آنهم بکمان است بری یا نبری

چشم از ستم زمانه گریان دیدم
هر پنج و بلا که ممکن است آن دیدم
نوحی که هزار ساله يك طوفان دید
من نوح نیم هزار طوفان دیدم

Не чораки маломатдур ватаним,
Ишқ ўлдирди, севги менинг кафаним,
Жаннат боғларида сен ўтир, зоҳид,
Мен — маст булбул, дўзах менинг чаманим.

Сўрагин, гўзалим, керак бўлса жон,
Жон эмас, сўрагин ҳаттоки имон.
Фақат яқинроқ кел, қилма ғитизор,
Сен ҳарна истасанг бергум бегумон.

Деда ёрэм: «Яна нима ғаминг бор?
Хаёлинг банд этди қайси гўзал ёр?»
Қўлларига бериб ойна, дедимки:
Кимнинг аксини иўрсанг — шу менга дилдор.

Эй хожа, сен нечуқ бунча бекабар,
Хаёлингга кеча-кундуз кумуш, зар,
Дастмоянг-ку бу оламда бир кафан,
Буёргамми сенга кафан, ким, айтар?

Давронда кўп кўзни мен гирён кўрдим,
Неки бало бўлов, беомон кўрдим.
Нуҳ-ку минг йил яшаб кўрди бир тўфон,
Мен Нуҳ бўлмасам ҳам минг тўфон кўрдим.

گفتم: بگو معنی عمر چیست؟
گفت: یا برق یا شمع یا پروانه
گفتم که طالب این دنیا کیست؟
گفت یا گول یا مست یا که دیوانه

خورشید برون از افق خون بچکید
مه کند جبین و زهره کیسو ببرید
شب جامه سیاه کرد در ماتم صبح
بر زد نفس سرد و کریبان بدرید

تا دست اجل کشید بر جان تو تیغ
چشمم بگریستن سبق برد از میغ
کس بر سر خاک تو نیامد که نگفت
آن صورت نازنین در ین خاک دریغ

هنگام سحر نرگس و هم لاله شکفت
مرغ سحری ناله کنان این میگفت
می نوش که بی نشان خواهی مرد
بر خیز که در خاک بسی خواهی خفت

مردم ز غمت با دل ناشاد دریغ
وز مردن من کس نکند یاد دریغ
هجران رخت ندامت آورد افسوس
دیدار تو با قیامت افتاد دریغ

Дедим: айт, умрининг маъноси нима?
Деди: чақмоқ, ё шамъ, ёки парвона.
Дедим: бу дунёга бино қўйган ким?
Деди: ё гўл, ё маст, ёки девона.

Уфқни қизартди қон йиғлаб қуёш,
Ой тирнади юзин, Зухра юлди бош,
Тонг мотамида тун қаро кийиниб,
Еқасин чок этди қилолмай бардош.

Жонингга қасд этгач омонсиз ажал,
Булутдек ёш тўкди кўзим шу маҳал,
Тупроғинг устига келганлар деди:
Аттанг, ер остида қолди бир гўзал.

Тонг чоғи ёзганда лолалар япроқ,
Саҳар қуши додлаб дерди, эй ўртоқ,
Май ичким, дараксиз кетар ҳамма ҳам,
Қўзғал, ер остида ётгундир узоқ.

Ғамингдан ўлдиму дил бўлмади шод,
Ҳеч киши этмагай энди мени ёд.
Айрилиқ келтирди афсус-надомат,
Дийдор кўрмоқ энди йўқдир, юз фарёд!

ای دل غم عشق تا تمنا کردی
خود را بمیان خلق رسوا کردی
تا میل بگل رخاں رعنا کردی
هر روز برای خود گلی وا کردی

ناخوانده مرو تو بر سر خوان کسی
بیقدر شوی اگر خوری نان کسی
یکپیرچه نان قاق، یک کاسه آب
بهتر ز هزار بره بریان کسی

دلہای خراب ما عمارت که کند
این گروه گناه ما کفارت که کند
ما بر سر خاکها زیارت کردیم
تا بر سر خاک ما زیارت که کند

با خوش پسری دلبری را که شاید
گفتم سخت شکسته چون میآید
گفتا که بدین تنگدہانی که مراست
گر نشکنمش چگونه بیرون آید؟

دردا که دل حزین نشد یکدم شاد
افغان که نشد خاطر از غم آزاد
افسوس که حاصلی ندیدم از عمر
فریاد که شد عمر گرانمایه به باد

Эй дил, ишқ ғамини таманно қилдинг,
Ўзингни халқ ичра сен расво қилдинг.
Ҳар куни ўзингча бир гулни танлаб—
Гўзаллар юзини тамошо қилдинг.

Борма айтмаганининг дастурхонига,
Қул узатсанг, қадринг тушар, нонига,
Қўшма ўзгаларнинг барра кабобин
Қотган ному совуқ сувинг сонига.

Ким қилур бу вайрон дилим иморат?
Ким гуноҳим учун берур кафорат?
Мен зиёрат қилдим кўп қабристонни,
Билмадим ким қилур қабрим зиёрат?!

Дилбаримга дедим: эй гўзал, танноз,
Нечун синиқ чиқар оғзингдан овоз?
Дедик: тор оғзим сўзни сиғдирмай,
Ушатиб-ушатиб чиқарар оз-оз.

Оҳқим хаста кўнглим ҳеч бўлмади шод,
Ғамдан хотирим ҳам бўлмади озод.
Тириклик ниҳоли бермайин ҳосил,
Бўлди азиз умрим, дариго, барбод.

بر دوستی دهر منه خاطر هیچ
کز وی نشود بغیر کین ظاهر هیچ
صد سال اگر نشستہ آید مرگ
صد ملک اگر گرفته آخر هیچ

گردون بقضای تو دل نرم نداشت
رخسار ترا حرمت آزرده نداشت
آید عجبم از ملک الموت که او
جان از تو همی گرفت و شرم نداشت

هرگز المی چو فرقت جانان نیست
دردی بتر از واقعه هجران نیست
گر ترک و داع کرده ام معذورم
تو جان منی و داع جان آسان نیست

نه بر دل ما ز هیچ یاری باراست
نه بر دل هیچکس ز ما آزاراست
از کسوت فخر و عار عاری شده ایم
مارا نه بکس فخر و نه از کس عاراست

دوران که بجز رسم جفا نیست در و
از اهل وفا کس آشنا نیست در و
ای من سگ آنکس که وفایی دارد
سگ بهتر از آن کس که وفایی نیست در و

Дунё дўстлигига берма хотир ҳеч,
Кекдан ўзга ундан бўлмас зоҳир ҳеч,
Юз йил яшасанг ҳам ўлим келади,
Юз мулкни олсанг ҳам бўлур охир ҳеч.

Ўлимнингдан фалак тутмади мотам,
Жамолингни кўриб бўлмади мулзам,
Азроил ишидан ажабланиман:
Жонинг ола туриб уялмади ҳам.

Ҳамма дарддан кўра айрилиқ ёмон,
Ҳамма қайғудан ҳам ёмондир ҳижрон,
Қўлимдан келмайди сендан айрилмоқ,
Жонсан, жондан кечиш эмас-ку осон.

Қўнглимизга қўнмас бировдан ғубор,
Биздан ҳам бировга етмагай озср,
Ор ва ифтихордан узоқлашганимиз,
На бировга фахру, на бировдан ор.

Буткул фалак иши — жавр ила жафо,
Вафо аҳли бўлмас у билан ошно.
Вафоли кишининг ити бўламан,
Кишидан ит яхши, бўлмаса вафо.

معمار فلک که قصر و ایوان سازد
چون ساخت تمام باز ویران سازد
هر طاق که امروز رساند بفلك
فردایش بذاك تیره یکسان سازد

که در هوس روی نیکو آویزم
که در سر زلف مشکبو آویزم
القصه ز هر چه رنگ و بویی یابم
از حسن تو فی الحال برو آویزم

در بادیه * عشق دویدن مشکل
از ورطه * عشق پا کشیدن مشکل
مشکل همه این است که دایم همه جا
معشوق معین است، دیدن مشکل

هر چند گهی ز عشق بیگانه شوم
با عافیت آشنای و همخانه شوم
ناگاه پری رخی بمن بر گذرد
بر کردم از آن حدیث و دیوانه شوم

دی آینه * خویش بصیقل دادم
چون روشن شد به پیش خود بنهادم
در آینه غیب خویش چندان دیدم
کز غیب کسان هیچ نیامد یادم

Дунё бинокори тузар қаср-айвон,
Тузиб бўлади-ю қилади вайрон,
Фалакка етказиб бугун тоқини,
Эртага этади ер билан яксон.

Гоҳо гўзалларнинг юзин ўйлайман,
Гоҳо зулфин, гоҳо кўзин ўйлайман.
Алқисса, ҳуснингдан қайси завқ берса,
Уша замон шунинг ўзин ўйлайман.

Ишқ биёбонида юрмоқ ҳам мушкул,
Ундан оёқ йиғиб турмоқ ҳам мушкул,
Ҳаммадан мушкулроқ шуки, ҳар жойда
Еринг маълум, лекин кўрмоқ ҳам мушкул

Баъзи вақт бўламан ишқдан бегона,
Қайғусиз роҳатга яқин ҳамдона,
Тўсатдан бир гўзал учраб қолганда—
Яна йўлдан уриб қилур девона.

Кўзгумга берардим кечқурун сайқал,
Боқдим унга тиниқ бўлган бир маҳал,
Шунча кўп кўринди ўз айбимки, мен
Ўзгадар айбини унутдим тугал.

بدفعل کسی همیشه دل خسته بود
درهای طلب جمله بر و بسته بود
گر آنکه بسازد او بهر نیک و بدی
دل خرم و شادمان و غم رسته بود

محمود هر آنچه ناسپاس است بداست
عیب است بر آنکه حق شناس است بداست
در کهنه گی لباس خود عیبی نیست
عیب دیگر آنکه در لباس است بداست

یکچو غم ایام نداریم خوشیم
گر چاشت بود شام نداریم خوشیم
چون پخته بما میرسد از عالم غیب
از کس طمع خام نداریم خوشیم

اجزای زمین دل خردمندان است
زرات جهان همه لب و دندان است
هر سنبل و گل که از زمین میروید
گیسوی بتان و گلروی خوبان است

افسوس که در زمانه یک همدم نیست
یک یار وفادار در ین عالم نیست
زینهار وفا مجو از ین آدمیان
رسمیست وفا که در بتی آدم تیسست

Дағал дили доим эзилган бўлур,
Талаб йўли унга тўсилган бўлур,
Ёмон-яхши билан ким келишолса,
Дили шоду ғамдан қутулган бўлур.

Маҳмуд, ношукурлик ҳар кимда ёмон,
Айб-айбу, лек егук ҳақимда ёмон,
Кийим эскиргани айбга қўшилмас,
Айб шунда — гар бўлса кийимда ёмон.

Шодмиз, қайғумиз йўқ асло айёмдан,
Саҳарлик бўлгану қайғу йўқ шомдан,
Ғойибдан пишган нон келиб турганда,
Хомтама эмасмиз, тама йўқ хомдан.

Ерга аралашиб ётар неча дил,
Жаҳон зарралари — лаб, тиш ёки тил,
Ердан униб чиққан сунбул, ё гулни
Гўзалларнинг сочи, ё юзи дегил.

Афсуски, топилмас ҳамдам бу дамда,
Бир вафоли ёр йўқ асло оламда,
Одамлардан вафо истама зинҳор,
Вафо одати йўқ бани одамда.

شاهی طلبی پرو گدای همه باش
بیگانه ز خویش آشنای همه باش
خواهی که ترا چو تاج بر سر گیرند
دست همه بوس و خاکپای همه باش

بر بستر خاک خفتگان می بینم
در زیر زمین نهفتگان می بینم
هر چند بصرای عدم مینگرم
ناآمدگان رفتگان می بینم

که کاسه "عمر صاف" باشد که درد
که پوشش من پلاس باشد که برد
اینها همه سهل است بنزد عاقل
مشکل این است که زار میباید مرد

ای دل هوس جامه "اطلس" نکنی
بر کهنه لباس خویشتن بس نکنی
خواهی که زمانه تو آسان گذرد
خود را بعبث مقید کس نکنی

در راه نگر که راه بینان رفتند
غافل منشین که همنشینان رفتند
قومی که قریبان و موافق بودند
آن قوم گذشت و هم قریبان رفتند

Подшолик истасанг, бўл эл гадоси;
Узингни унуту, бўл эл ошноси.
Эл тож каби бошга кутарсин десанг,
Эл қўлин тутгину бўл хокипоси.

Тупроқ тўшагида ётган кўп кўрдим,
Ер қора бағрига ботган кўп кўрдим,
Йўқлик оламига кўз ташлаганда,
Келмаган кўп кўрдим, кетган кўп кўрдим.

Ҳаёт майи бўлур тиниқ, қуйқа ҳам,
Қийим ҳам гоҳи бўз, гоҳи беқасам.
Булар оғир эмас оқил олдида,
Зор ўлмоқлиқ бўлур жуда оғир дам.

Эй дил, шоҳи тўнни қилмагил ҳавас,
Эски киймоқликни ҳам этмагил бас,
Енгил ўтсин десанг ўз кунингни сен,
Қарам қилма ўзни бировга абас.

Йўлга боқки, йўлчи одамлар кетди,
Ғофил ўтирмаки, ҳамдамлар кетди,
Бир қавм сенга яқин ва уйғун эди,
У қавм ўтиб, яқин одамлар кетди.

دړ دست اجل که نیست درمان او را
بر شاه و گدا ست حکم و فرمان او را
شاهی که بحکم خویش کرمان میخورد
امروز همیخوردند کرمان او را

مسکین دلم از حیات خود بیزار است
وین عمر عزیز پیش چشم خوار است
افسر بصرم سبکتر از افسار است
سر بر بدنم گرانتر از دستار است

من کیستم آخر که ثوابم طلبند
یا آنکه حساب خورد و خوابم طلبند
آنجا که نباشند ملائک بحساب
من کیستم آیا که حسابم طلبند

خاطر ز غبار درد رفتن حیف است
جز بر سر نیش غصه خفتن حیف است
در باغ جهان چون گل خورشید میباش
بی لذت غنچگی شکفتن حیف است

Ажал шундай дардқи, йўқ унга дармон,
Шоҳу гадоларга беради фармон.
Қирмон подшоҳиким ерди Қирмонни,
Энди еғай унинг ўзини Қирмон!

Бечора дилим-ку ҳаётдан безор,
Бу азиз умрим ҳам кўз олдимда хор.
Бошимдаги тожим — енгилтак бошбоғ,
Танамдаги бошим — оғир, зил дастор.

Мен кимманки, мenden савоб кутарлар,
Еб ётганим учун жавоб кутарлар.
Малак ҳам ҳисобда бўлмаган жойда
Нима учун мenden ҳисоб кутарлар.

Дарду алам билан умрин сарфлаш ҳайф,
Қайғу тиканидан жонни асраш ҳайф,
Жаҳон боғи ичра қуёш гулидек
Гунчалик лаззатин тотмай гуллаш ҳайф!

¹Форс-тожик тилида «қирм» — қурт демак, «қирмон» сўзи эса — қуртлар демакдир. Эронда «Қирмон» деган шаҳар ҳам бор. Паҳлавон ушбу рубойида форс тилида «қирм» сўзининг маъно жиҳатидан товланишидан фойдаланиб, сўз ўйини қилган:

Қирмон подшоҳиким ерди Қирмонни
Энди еғай унинг ўзини қирмон —

мисраларининг маъноси: Қирмон подшоҳи илгари Қирмон аҳолисини таларди — ерди, энди унинг ўзини «қирмон» — қуртлар емоқда, демакдир.

عمریست که دانش هدف تیر منست
 ارقام جنون جو هر شمشیر منست
 محبوس فضای قدسم بر پای
 موج نفس فرشته زنجیر منست

آخر ز دماغم گل سودا بشکفت
 و آنگاه نه زیر پرده رسوا بشکفت
 داغیکه ز دیوانه کیم بر سر بود
 گل گشت مرا بر همه اعضا بشکفت

هر نقطه ز دفترم دل سوخته است
 هر حرف شبی بظلمت آموخته است
 هر شام عبارت نکشم منت شمع
 هر معنی من چراغ افروخته است

از تنگ دلی چمن به چشم گوراست
 گل در نظرم جراحت ناسوراست
 گر بی نمکی نقض شوراست چرا
 هم بی نمک است بخت من هم شوراست

درویش ز شه جمعیت اندیشتر است
 میدار حساب از آنکه درویشتر است
 دیوار شکسته را خطر هاست ولی
 دلهای شکسته را خطر بیشتر است

Дониш эрур отган ўқим нишони,
 Дадиллик манбаи — билимим кони.
 Эзгулик осмонин маҳбусиман мен,
 Занжирим — фазо-ю само уммони.

Димоғимдан охир савдо гул очди,
 Расволик пардасин тори тил очди.
 Девоналигимдан бошимдаги доғ
 Бутун вужудимдан гул-юз хил очди.

Ҳар нуқта хатимда ёнган юракдир,
 Ҳар ҳарфи қоронғу зулмат демакдир.
 Чекмасман оқшомлар шамнинг миннатин,
 Чунки, фикрим шамдан шуълалироқдир.

Дилтангликдан чаман кўзимга гўрдир,
 Наздимда гул жароҳати носурдир¹
 Тузсизлик — шўрликнинг акси-ку, ахир,
 Нега бахтим ҳам тузсиз, ҳам шўрдир?

Ўлусга қайғурур шоҳ эмас, дарвеш,
 Зеро у дарвешдир, дарвешдир, дарвеш.
 Бузуқ деворлардан ташвиш бор, лекин,
 Синиқ кўнгуллардан кўпроқдир ташвиш.

¹Жароҳати носур—пишиб етилмаган яра.

طالب رقم قبولت ازرد بتراست
 کارت همگی بداست و از بد بتراست
 کافر ز چه خویش را کنی مؤمن نام
 مانند تو مؤمن ز مرتد بتراست

آنمکه زبان معرفت کلک مناست
 شمشیر خرد نطق کهر کلک مناست
 آنانکه بملک امتیازند ملوک
 دانند که عرصه سخن کلک مناست

از رشک تو گل بباغ خود را بکشد
 چون لاله بدرد داغ خود را بکشد
 آنجا که دید شمع جمال تو فروغ
 گر من نکشم چراغ خود را بکشد

ای عشق چه آتشی دودت نبود
 وی غم چه نوایی که سرودت نبود
 ای کام چه بریدی که بودت نبود
 ای عیش چه بودی نمودت نبود

این چرخ سنان فتنه خونریز کند
 هنگامه عافیت بلا ریز کند
 چرخیکه نتابد بوفای رشته مهر
 چرخيسته تیغ کینه را تیز کند

Розилигинг, зоҳид, раддан баттароқ,
 Ҳамма ишинг баддир, баддан баттароқ.
 Кофирсан-ку! Нега: «Мўъминман!» — дейсан?
 Сендек мўъмин, бил, муртаддан баттароқ!

Маърифатнинг тили — чолғу — нойимдир,
 Ақлим — қилич, сўзим ўқу ёйимдир.
 Иштиёзлар мулкин шоҳи билурким,
 Сўз майдони — ишғол қилган жойимдир.

Рашкиндан боғда гул ўзни сўлдирур,
 Лоладек кўксин доғ бир-ла тўлдирур,
 Жамолинг шуъласи ёритган жойда
 Чироқ ўз нуруни ўзи сўндирур.

Эй ишқ, нечук ўтсан, ахир, дудинг йўқ?
 Эй ғам, нечук куйсанким, сурудинг йўқ?
 Эй истак, нечуксан, тутқич бермайсан,
 Эй шодлик, нечуксанким, вужудинг йўқ?!

Бу чарх фитна ўқин қон тўкар этмиш,
 Тинчлик даврин бало қўзғатар этмиш.
 Пингирмас меҳр ипин вафога бу чарх,
 Бу чарх кина тигин тез кесар этмиш.

نام تو کاز و یافته ایام شرف
نامیستکه میارد از ین نام شرف
چون روز شرف بکام دل نوشی جام
می فیض پزیرد از لب جام شرف

در چرخ نمانده در فلک نیز نمک
در جرم سماک و در سمک نیز نمک
چشم نمک از خوان نمک بی نمک است
دور نیست که نیست در نمک نیز نمک

هر دم چو گل آشفته کنم دفتر دل
بر باد دهم چو لاله خاکستر دل
چون شیشه ساعت همه شب گرد فراق
دل بر سر من ریزد و من بر سر دل

طالب ز سرشت خود خجل باش خجل
ز آن رو که نه یک زبانی و نه یک دل
نیمی طاوس و نیمی کبک یعنی
یک پایه حناداری و یک پای بکل

جمعی که همه یک زبان برد سختم
در سنگ عناد جمله گوهر شکتم
هر لحظه هزار نیش نوشتم زین قوم
از شومی اینکه صاحب یکد و فتم

Номингданки, топар ҳар айём шараф,
Шундай номки, келтирар бу ном шараф.
Май ичмай нетарсен шарафли кунда?
Бахш этур файзу келтирур жом шараф!

Ғўқ осмонда, ернинг юзида ҳам туз,
Денгизнинг сувида, музида ҳам туз.
Туз кўздан оққан қон туфайли тузсиз,
Ажаб замонки, йўқ тузида ҳам туз!

Ҳар замон қўнглимни қилиб паришон,
Лоладек дил кулин сочаман ҳар ён.
Ҳар тун қум соатдек фироқ ғуборин
Бошимга сочаман ҳар соат, ҳар он.

Қилмишингдан, зоҳид, уятгил, уят!
Чунки тилинг бошқа, бошқадир ният!
Ним товус, ним каклик вужудинг, зоҳид,
Оёғинг гоҳ чипор, гоҳ қирмиз, иллат!

Нодон ғийбатига бўлибман нишон,
Қайтарғум ҳужумни, менман паҳлавон!
Маломат қилурлар жоҳиллар, чунки,
Билимда эрурман нодири замон,

تا چند هجوم غم زهر سو بینم
 بکشایم چشم چین ابرو بینم
 تاکی سر اندشه نهم بر کف پای
 رخساره در آینه زانو بینم

نقدم بمحك رسیده مغشوش نیم
 سیم سره ام مس طلاپوش نیم
 پالوده صاف کرده ام چون زر مهر
 چون نقره مه پرغش و کم جوش نیم

عاشق سخنم فیض نفس میخوام
 يك حسن ادا بصد هوس میخوام
 این هیچکسان مخاطب من نسزد
 در خورد خطاب خویش کس میخوام

زین نامه پر بسته به مضمون پرسم
 زین واقعه چون پرسم چون پرسم
 آن به که بسینه روزنی بکشایم
 وین صورت حال از دل پر خون پرسم

هر گل که بدست آرزو می بینم
 از گلشن ان فرشته خو می بینم
 هر خونکه زجام هجرا کردم نوش
 رنگ همه را بر لب او می بینم

Ҳар ёқдан ғам отган тошни кўраман,
 Кўз очсам — чимирилган қошни кўраман.
 Қачонгача поймол этиб фикримни,
 Тизза кўзгусида бошни кўраман?!

Утда айнигучи серғаш эмасман,
 Соф олтинман, миси баркаш эмасман.
 Қайноқман ва софман қуёш нуридек,
 Ойдек совуқ, доғлик баркаш эмасман!

Сўзпарастман, файзли нафас истайман,
 Бир лутфда юзлаб ҳавас истайман.
 Бу нокаслар лойиқ эмас тинглашга,
 Нозик сўзга бир серҳавас истайман.

Мазмунин пешанам хатидан сўрай,
 Тақдирим қай йўсин ва қачон сўрай,
 Яхшиси кўксимни ёриб бу ҳолнинг
 Аслини қон тўлган кўнглимдан сўрай!

Орзунинг илгида кўрганим ҳар гул,
 Билгумки, боғида эккан у софдил.
 Ҳажрининг жомида ичганим ҳар қон,
 Лабларин рангидан, ранг олган деб бил.

ای دل چو زبان دشمن جان تو نیم
بر ما چه کشی تیغ زبان تو نیم
تاکی تو بخواب غفلت و ما بیدار
ای بخت غنوده پاسبان تو نیم

ای چرخ فلک زمانه* دون پرور
از کجرویت راست روان است خطر
دانا ز تو زیر پای و نادان بر سر
یارب شود این چرخ فلک زیر زبر

دردم دردم تمام جانم دردم
پروانه صفت ز شمع رویت گزدم
گر دولت وصل تو میسر گردد
مالم بکف پای تو رنگ زردم

خوش عمر که با دلبر رعنا گذرد
باد سحر از دامن صحرا گذرد
گفتیم بهار آمد و عیشی بکنیم
چندانکه بهار آمد و بی ما گذرد

يك چند پی دانش و دفتر گشتیم
يك چند پی زینت و زیور گشتیم
چون واقف ازین جهان ابتر گشتیم
ترك همه کردیم و قلندر گشتیم

Эй дил, тилдек душмани жон эмасмиз.
Урма тигинг, билгил, забон эмасмиз.
Қачонгача сен ғафлатда, биз — уйғоқ,
Мудраган бахт, сенга посбон эмасмиз!

Эй чархи фалак, замонайи дунпарвар,
Тескари юришинг тўғрига хатар:
Нодон бош устида-ю доно поймол,
Е раб, бу фалакни эт зеру забар.

Дардмандам, дардмандам, буткул дардмандам,
Оразинг шамъидан ўриулай ҳар дам,
Гар васлинг давлати муяссар бўлса,
Сураини пойнинга бу рўйи зардам!

Қандай яхши бир раънога бўлсанг ёр!
Саҳродаги шаббодадек хушрафтор,
Баҳор келди, дўстлар, гаштин сурайлик,
То келгунча бизсиз ўтгувчи баҳор.

Неча йил илм-ҳунар пайида бўлдик
Неча йил зар-зевар пайида бўлдик,
Олам сирларидан бўлганда огоҳ —
Бори ишни ташлаб қаландар бўлдик.

زینهار تو با مردم دانا بنشین
یا با صتم لطیف رعنا بنشین
این هر دو اگر میسر نشود
اوقات مکن ضایع و تنها بنشین

چشم بد خلق بچشم مستش نرسد
آفت به لب می پرستش نرسد
در پیش خدا همین مرادی دارم
با قد مبارکی شکستش نرسد

ای دوست بیا تا غم پرده نغوریم
و این یکدم تقدرا غنیمت شعریم
فردا که ازین در کهن در گذریم
با هفت هزار سالکان سر بسریم

این چرخ فلک که مادر او حیرانیم
فانوس خیال از و مثالی وانیم
خورشید چراغ دان عالم فانوس
ما چون صوریم کندر و کردانیم

مغزم سیاهی چو دل لاله پراست
چشم چو دهان غنچه از زاله پراست
از پهلوی دل گذشت لبریز چنان
گوشم چو جلاجل دف از ناله پراست

Сен, албатта, топиб бир доно, ўлтир,
Еинки, топиб сен бир раъно, ўлтир,
Топилмаса сенга гар иккиси ҳам,
Беҳуда кечирма вақт, танҳо, ўлтир.

Емон кӯза кӯрмасин ул кӯэлари маст,
Кӯрмасин офат ул лаби майпарасти,
Муродим шудирким, худодан донм,
Муборак қаддига етмасин шикасти!

Дӯстим, эрталикиниг ғамин емагил,
Бу бир нақд нафасни ғанимат билгил,
Бу эски эшикдан ўтармиз бир-бир,
Етгаймиз ўшанда бизлар кўп минг йил.

Фалак чархи ичра бизлар ҳайронмиз,
Фонус мисол ҳаёл қилиб сарсонмиз,
Қуёш чароғ бўлса, жаҳон бир фонус,
Қўғирчоқдек тунда биз саргардонмиз.

Бошу кўнгул қора, гўёки лола,
Кўз ғунча оғзидек лиммо-лўм жола.
Кўнглимининг ёнидан ўткучи деди:
Қулоғимда қолмиш ҳазин бир мола.

۱۰۲

ای چرخ مرا نه هوش و نه ادراك است
آيينه طينتم كدورت ناك است
در تربيتم آب رخ سعي مريز
هر چند كه خاك را بشوئي خاك است

۱۰۳

صاحب نظری نشان والا کهرایست
بی منظری دلیل کوتاه نظریست
بی عشق کمال نیست در طرف وجود
این کاسه نام ازین لقب کاسه گرایست

۱۰۴

چشم تو که در ناز تمام اسباب است
برساز کرشمه غمزه اش مضراب است
مرغان دل آورده چو ماهی بکنار
زلف تو که هم رشته و هم قلاب است

۱۰۵

نه توبه شکسته ام شرابم بفرست
آشوب نشان اضطرابم بفرست
کم ساز بيك دو ساغر سوز خمار
آتش بدلم فتاده آبم بفرست

۱۰۶

از ره مفکن نشانه جوی چو مرا
آشفته مکن نسیم خوی چو مرا
در رهگذر خویش میفشان گل مشک
بی نم منمای خاک بوی چو مرا

102

Замоннинг зарбидан бош беидрокдур,
На дилнинг кўзгуси қайғудан покдир,
Саъй этма тўкиб тер тарбиятимга,
Тупроқни ювсанг ҳам у хокдир, хокдир!

103

Назар топган кимса — қийматли гавҳар,
Қам ўйлаган кимса бўлур беназар,
Ишқсиз камол бўлмас ушбу оламда,
Қосадан муроддир, асли, қосағар!

104

Қўзингдир ноз билан жоно гўзалроқ,
Ғамзангдан қарашма созидир қувноқ,
Овлағай дил қушин худди балиқдек,
Муаттар сочингдир ҳам ип, ҳам қармоқ.

105

Тавбамга таяндим, шаробим келтир,
Изтиробим ортди гулобим келтир,
Сўндирар тутсанг жом хуморим ўтин,
Ўт тушди қўнглимга кел, обим келтир.

106

Ҳидоят излайман, сен йўлдан урма,
Насимдек югурай, йўлимни бурма,
Йўлингга гуллардан солма поёндоз,
Сероб қил, хокбўйман, кўзларга сурма.

جز من که همدمان گزیند خود را
صد گل به چمن بیند و چینه خود را
با سایه خویش روز و شب در سخنم
چون طفل که در آینه بیند خود را

طالب منما شکوه افلاک به من
من خاکم از آن نمیرسد خاک به من
زین بحر چو کس خسی نیارد بکنار
گوهر بتوارزانی و خاشاک به من

هر کس نبود مرد شناسایی تو
عارف بتو نیست غیر شنیدایی تو
رسوا شوم و درد تو رسوا نکنم
رسوانی من فدای رسوانی تو

از زهد نمک رفته ز پرهیز مزه
دردا که نمائند در گنه نیز مزه
آب آمده شسته از همه چیز نمک
باد آمده برده از همه چیز مزه

با یاد جلال در بیابان رفتیم
از عالم تن به عالم جان رفتیم
هفتاد و دو سال فکر کردم شب و روز
سرگشته در آمدم و حیران رفتیم

Ҳамдамлар кибр ила сўзларлар сўзин,
Чаманда гул дея билурлар юзин,
Туну кун соям-ла сўзлашурман мен,
Еш бола кўргандек кўзгуда ўзин.

Шикоят қилма, эй таъмагир нопок,
Тупроқдан ор этмам, чунки ўзим хок!
Чўпни ҳам элтолмас бу сувдан ҳеч ким,
Гавҳар сенга бўлсин, менга бас хошок!

Ҳар кимса ҳам сенга ошино бўлмас,
Сени кимки, билмас у шайдо бўлмас.
Дардингда бўламан расво ва лекин,
Дардингни асрайман, у расво бўлмас.

Парҳез бемаза-ю тузсиздир тақво!
Гуноҳда ҳам афсус, маза йўқ асло!
Ювди сув тузини ҳамма нарсанинг,
Олди ел мазани, бу қандай савдо?!

Худони ёд этиб, биёбон кетдик,
Биз тан олаmidан жон томон кетдик.
Туну кун фикр этдим етмиш икки йил,
Сарсон бўлиб юрдик, ҳам ҳайрон кетдик.

عقل عقلا بی روحس کی گردد
زر از حسد حسود مس کی گردد
نامرد سگ است مرد دریای محیط
دریا بدهان سگ نجس کی گردد

شب حامله ایست تا چه زاید بینیم
زانگشت زمانه تا چه آید بینیم
از اول هرچه آمد دیدیم
تا آخر عمر هرچه آید بینیم

با بد منشین باش بیگانه* او
در دام افتی اگر خوری دانه* او
تیر از سر راستی کمان را کج دید
بنگر که چگونه رست از خانه* او

گر آه زدی دیده براه باید داشت
خود را ز کنار چه نگه باید داشت
در خانه* دوستان چو محرم گردی
دست و دل و دیده را نگه باید داشت

دی در سر کوی دل عبادت کردم
مر پاگان را جنب زیارت کردم
کفارت آنکه روزه خوردم رمضان
در عید نماز بی طهارت کردم

Оқил ақли ҳисга гирифтор бўлмас,
Ҳасад қилган билан тилло хор бўлмас,
Номард — ит кабидир, мард буюк дарё,
Дарё ит дамидан ҳеч мурдор бўлмас.

Тун — иккиқат хотин, не туғар экан?
Замона ҳукмидан не ёғар экан?
Умр аввалида не келди, кўрдик,
Қўрармиз — охири не бўлар экан?


Емон билан улфат бўлма, юр йироқ,
Йўлингга дон сочиб, қўяди тузоқ.
Ёйни эгри кўриб, тўғрилигидан—
Уқ ундан қанчалик қочганига боқ!

Оқ тортган чоғингда йўлга кўз тутгил,
Йўлда қудуқ бордир, эҳтиётинг қил,
Дўст уйида маҳрам бўлган вақтингда
Қўлингги, кўзингни, дилни тия бил.

Дил кўйини кездим, бу менга одат,
Покни ҳам ювиқсиз этдим зиёрат.
Рамазон рўзасин тутмаганимга —
Ювиқсиз намозим бўлди кафорат.

تا هست ترا غیرت مردی در سر
 مگذار عیال خویش از خانه بدر
 شاخی که ز دیوار برون آرد سر
 از میوه او طمع کند راه گزر

Токи бор ғайрату мардликдан асар,
 Аҳлу аёлингни этма дарбадар,
 Мева шохи агар девордан ошса,
 Иӯловчилар унга бешак қўл чўзар.



САЙЁР РУБОЙИЛАР ХУСУСИДА

Рубой жанри улуғ Хайём шарофатидан, унинг мўъжизакор қалами қудратидан шуҳрат топгани ҳаммага аён, аммо бу шоирнинг ўз умрида қанча рубой ёзгани ҳеч кимга маълум эмас. Ҳанузгача бу муаммони Эрон олимлари ҳам, Европа шаркшунослари ҳам ҳал этолмай гаранг. Бу олимларнинг бир қисми, Хайём рубойлари 100 билан 125 атрофида, деб тахмин қилишса, бошқалари Хайём рубойлари 1000дан зиёд деб, даъво қилишади. Бироқ ҳар икки томоннинг даъвосида ҳам ҳеч қандай асос йўқ. 100 билан 1000 рақами орасида ер билан осмондай катта тафовут бор, бу улкан тафовут рост билан ёлғон орасидаги жарликдир.

Рубойётда шоирнинг номи—тахаллуси камдан-кам зикр қилинади. Бу ҳол тазкирачиларни мушкул аҳволга солиб, айрим рубойларни, уларнинг бири, бир шоирга нисбат берса, бошқаси иккинчи шоирга нисбат беради: бу хил тахминлар натижасида бир қанча сайёр рубойлар вужудга келиб, улар китобдан-китобга кўчиб юради.

Шундай сайёр рубойларнинг баъзилари Паҳлавон Маҳмуд рубойлари мажмуасига ҳам кириб қолган.

Ўшончи, Паҳлавоннинг 1962 йилда нашр этилган «Рубойлар» китобига 56 рубойсини ўзбекча таржима-си билан киритган эдик. Ёш олимларимиздан Ёқубжон Исҳоқов бир йиллик умрини сарф қилиб, шу рубойларни форсий рубойнависларнинг асарларига чоғиштириб қараса, Паҳлавон Маҳмудга нисбат берилган 56 рубойнинг бештаси бошқа шоирларнинг сайёр рубойлари бўлиб чиқибди. Гарчи бу иш ўта сермеҳнату камҳосил бўлса ҳам шоёни таҳсиндур. Мен ёш олимнинг бундай синчковлигини юксак баҳолаб, ўша сайёр рубойларни Паҳлавон Маҳмуд асарлари таркибидан ажратиб, табаррук учун махсус бобга кўчирдим. Тазкирларда улар қуйидаги шоирларга нисбат берилган экан:

Маҳсатийга нисбат берилгани:

Дунё бамисоли бир заррин кўза,
Суви гоҳ ширину, гоҳ аччиқ бўза,
Эй ғофил, умрингга бино қўйма кўп,
Қазойи муаллақ турар бош уза.

Т. Жалолов таржимаси

Султон Яъқубга нисбат берилгани:

Дунёда шодликни жуда кам кўрдим.
Ҳар бир хурсандликда минг-минг ғам кўрдим.
Бу эски саройнинг ҳар тарафида —
Иўқлик дашти сари эшик ҳам кўрдим.

Шу рубойнинг иккинчи варианты:

Дунёда қарору сабот ғоят кам,
Ҳар бир шодлигида минг қайғу алам,
Бу эски саройнинг ҳар томонида
Раҳналар очилиб — кўринур адам.

Ҳилолийга нисбат берилгани:

Дунёда ҳеч киши эмасдир хуррам,
Бани одам бўлмас шодлик-ла ҳамдам,
Қимдаки бўлмаса замона ғами,
Ё оламдан эмас, ё эмас одам.

Урфий Шерозийга нисбат берилгани:

Тиззам келин каби тўлдириб қучоқ,
Қўйингда ётардим кеча-тунги чоқ
Йўқ эди кўзимдан ўзга ёпиқлик,
Бош ости ёстиғим эди шу қулоқ.

Муинзода таржимаси

Китобнинг биринчи нашрига кириб қолган мунозарали, сайёр рубойлар мана шулар холос.

Биз бу китобнинг иккинчи наشري учун Паҳлавоннинг яна 65 рубойсини танлаб таржима қилдик. Аммо қўлёзмани наشريётга топширишдан аввал, Хайём рубойлари билан солиштириб қарасам, бир фалсафий рубой (бир оз тафовут билан) ҳар икки шоирнинг рубойлар мажмуасига киритилган экан. Бу рубойни Шоислом Шомуҳамедов Хайёмга нисбат бериб, камина эса, Паҳлавон Маҳмудга нисбат бериб таржима қилибмиз. Мана шу рубойлар:

Ул қодирки арзу афлок яратди,
Қўнгилда доғ, дилни ғамнок яратди,
Мушкин зулфларни-ю, ёқут лабларни
Ерга қориб, охирда хок яратди.

Т. Жалолов таржимаси

Улки жаҳон тузди, чарх, афлок тузди,
Қўнгилга доғ солди, ҳам чок-чок тузди,
Жуда кўп ёқутлаб, ойюзлиларни
Ер ичра жо қилди, бир кафт хок тузди.

Ш. Шомуҳамедов таржимаси

Сайёр рубойлар ҳақида гап кетгач, ўзим бевосита аралашган бир воқеани арз этмоқчиман. Гап шундаки Ибн Сино ва Умар Хайём мухлислари кўпдан бери бир рубой устида талашиб юришади. Мана ўша рубой:

Қаро ер қаъридан то авжи зуҳал,
Қоинот сирларин барин қилдим ҳал,
Қўп мушкул тугунни ечдим, англадим,
Ечилмай қолгани — биргина ажал...

Бу рубой жанрининг энг мумтоз, энг подир намуна-сидир албатта. Шоислом Шомуҳамедов бу рубойни аъло даражада таржима қилибди. Бироқ бу бебаҳо пурмаъно рубой кимнинг қаламига мансуб? Шоислом Шомуҳамедов бу рубойни Хайём қаламига мансуб деб таржима қилган. Аммо Ибн Сино ҳаётини синчиклаб текширган, шу мавзуда тарихий роман ёзган В. Смирнова-Ракитина Ибн Синонинг барча рубойларини, жумладан бу рубойни ҳам ўз асари таркибига сингдириб юборган. Адибанинг ушбу романини ўзбек тилига таржима қилиб турган пайтимда (менинг илтимосим билан) Эркин Воҳидов шу рубойларни русчадан ўзбекчага таржима қилиб берган эди. Мана шулардан намуналар:

Жаҳонда қолмади мен билмаган фан,
На мушкул бўлса ечдим, дониш илан,
Ва лекин бу ўлим отлик тугунни,
Ечолмасдан ўтар бўлдим жаҳондан.

Менинг қуфрим айбларга дилимдан ўзга султон йўқ,
Бу оламда менинг покиза имонимдек имон йўқ.
Мусулмонликда мен аҳли замон ичра эдим танҳо,
Агар кофир эсам мен ҳам, бу дунёда мусулмон йўқ.

Ростини айтсам, мен ўзим ҳам эллик йилдан бери бу рубойни Ибн Синонинг асари деб юраман ва бу эътиқоддан қайтишим ҳам амри маҳол. Зеро рубойнинг руҳи, унга сингдирилган теран фикр ва надомат оҳанги уни фалакиёт, табиёт ва табобатдан мўъжизалар кўрсатган улуғ алломанинг асари эканини равшан кўрсатиб турибди.

Биз бир ишора билан Паҳлавон китоби таркибидаги шубҳали рубойларни чиқариб ташладик, бироқ ҳамма ҳам бу тазкираларга биздек эҳтиром билан қарамайди чоғи. Бўлмаса 5 асрдан буён ҳамма тазкираларда Паҳлавон Маҳмудга нисбат бериб келинган «Қанзул ҳақоийқ»ни 1967 йилда Эронда Маҳмуд Шабустарийга нисбат бериб нашр қилишни нима деб тушуниш керак? Наҳотки, эронлик Саид Муҳаммад Али Софир бу машҳур тазкиралардан беҳабар бўлса?

Балки тазкирачилар хато қилгандир?

Т. Жалолов
Тошкент — 1975 йил.

МУНДАРИЖА

Т. Жалолов. Паҳлавон Маҳмуд Пурёйвалий	5
Мардлик ва одамийлик тароналари. Учинчи нашрига сўзбоши	23
1—38 рубойлар Т. Жалолов таржимаси	30
39—71 рубойлар М. Муинзода таржимаси	47
72—93 рубойлар А. Боқир таржимаси	61
94—111 рубойлар И. Улфат таржимаси	69
112—117 рубойлар Васфий таржимаси	77
*Сайёр рубойлар хусусида	80

На персидском и
узбекском языках

Пахлаван Махмуд

Редактор Н. Норкулов
Рассом К. Губайдуллин
Рисилар редактори В. Немировский
Техн. редактор Р. Смирнова
Корректор М. Абдусаломова

ИБ № 669

Босмахонага берилди 27.11.78. Босишга рухсат этилди
23.04.79. Формати 70×108¹/₃₂. Босма л. 2,75. Шартли
босма л. 3,85. Нашр. л. 2,68. Тиражи 100000. Р 08988.
Рафур Гулом номидаги Адабиёт ва санъат нашриёти.
Тошкент. Навоий кўчаси. 30. Шартнома № 220—76.

Ўзбекистон ССР Нашриётлар, полиграфия ва китоб
савдоси ишлари Давлат комитетининг Тошкент «Мат-
буот» полиграфия ишлаб чиқариш бирлашмасининг
3-босмахонасида № 1 қорозга босилди. Тошкент, Хоразм
кўчаси, 9. 1979 йил. Заказ № 36. Баҳоси 20 т.

Паҳлавон Маҳмуд

Рубоийлар, нашрга тайёрловчи: Т. Жалолов; Масъул муҳаррир: Э. Воҳидов; Форсийдан Т. Жалолов, М. Муинзода, А. Боқир ва бошқ. таржималари.—Т.: Адабиёт ва санъат нашриёти, 1979С—88б.

1247 — 1326 йилларда Хоразмда яшаб ижод қилган, паҳлавонлиги ва фойласуф шoirлиги билан донг таратган Паҳлавон Маҳмуд рубоийларида ҳаётнинг маъноси, юксак инсоний идеаллар, гузал маънавий бодликлар тарафларини айтилади.

Маҳмуд Паҳлавон, Рубон.



ПАҲЛАВОН
МАҲМУД

РУБОИЙЛАР